

四庫全書

史部

欽定四庫全書

史部

欽定續通典卷二十八

詳校官監察御史_臣曹錫寶

洗馬_臣王坦修覆勘

校對官編修_臣陳萬青

謄錄監生_臣熊之垣

欽定四庫全書

欽定續通典卷二十八

職官

御史臺

唐肅宗至德以後諸道使府參佐皆以御史為之謂之外臺復有檢校裏行內供奉或兼或攝諸使下官亦如之武宗會昌初升大夫中丞品東都留臺有中丞一人侍御史一人殿中侍御史二人監察御史主留臺務三

院御史皆不常備焉宋置御史臺其制與唐畧同有御史大夫中丞侍御史殿中侍御史監察御史等官凡遇大事則廷辯小事則奏彈凡祭祀朝會則率其屬正百官之班序真宗咸平四年以御史二人充左右巡使文官右巡主之武官左巡主之糾其違失常參班簿祿料假告皆主之祭祀則兼監祭使掌受誓戒致齋檢視糾劾又有廊下使專掌入閣監食監香使掌國忌行香皆臨時充神宗元豐正官名悉罷之遼置御史臺設大夫

中丞侍御等官金制與宋畧同登聞檢院亦隸御史臺
凡御史多有出使者元始無臺職世祖至元五年始設
臺建官制與唐宋畧同惟諸道皆設行臺其品秩與內
臺同凡諸道肅政廉訪使皆隸於內臺明初亦置御史
臺設左右御史大夫御史中丞侍御史治書侍御史殿
中侍御史監察御史等官尋罷御史臺更置都察院設
監察都御史八人分監察御史為浙江河南山東北平
山西陝西湖廣福建江西廣東廣西四川十二道各道

置御史或五人或三四人每道鑄印二一畀御史久次者掌之一藏內府有事受印以出既事納之文曰繩愆糾繆以秀才李原明為都御史吳荃等為試監察御史太祖洪武十六年都察院設左右都御史左右副都御史左右僉都御史二十三年左副都御史袁泰言各道印篆相同慮有詐偽乃更鑄監察御史印曰某道監察御史印巡按印曰巡按某處監察御史印惠帝建文元年改設都御史一人革僉都御史二年改為御史府設

御史大夫改十二道為左右兩院設御史二十八人成

祖永樂元年悉復舊制洪熙宣德以後凡在外之督撫

經畧等員兼銜以便行事

具御史大夫篇

御史之居職奉差者

名數實繁

具監察侍御史篇

蓋所以寄其察姦糾弊之權者較

前代為特詳焉

御史大夫

唐御史大夫一人為御史長官掌以刑法典章糾正百

官之善惡

至德中韋陟為御史大夫時右拾遺杜甫上表論房琯尚有大臣度真宰相器帝令陟同

崔光遠顏真卿同訊之陟入秦甫所陳諫言不失諫臣
體帝由是疏之崔渙為御史大夫時元載輔政與中官
董秀蟠結固寵渙因進見面劾之帝默然宣宗大中時
李景讓為御史大夫甫視事即劾免御史孫玉汝等咸
肅當凡有御史彈劾必先白大夫為宰臣者

名而已至德以後率有以大夫為宰臣者

德宗建中二年盧杞以御

史大夫為門下侍郎兼中書門下平章事貞元五年竇
參以御史大夫為中書侍郎同門下平章事憲宗元和
十三年李夷簡以御史大夫為門下侍郎同中書門下
平章事武宗會昌元年陳夷行以御史大夫為門下侍
郎同中書門下平章事宣宗大中三年崔鉉以
御史大夫守門下侍郎同中書門下平章事蓋重職

也五代惟後唐明宗天成元年以李琪為御史大夫自

後不復除宋初御史大夫不除正員為加官檢校官帶
憲銜有至檢校御史大夫者官制行亦並除去遼南面
官有御史大夫太宗會同元年以耶律呼哩為御史大
夫金初置御史大夫掌糾察朝儀彈劾官邪勘鞫官府
公事凡內外刑獄所屬理斷不當有陳訴者付御史臺
治之元御史臺置於至元五年設御史大夫一人後又

增一人掌糾察百官善惡政治得失

順帝至正六年賀惟一拜御史大夫

故事臺端非國姓不授因賜蒙古姓而改其名額琳沁
巴勒拜御史大夫性剛正動有禮法盡選中外庶能之

官置諸風憲一
時號稱得人

十四年置江南行御史臺於揚州尋徙

杭州又徙江州二十三年遷於建康以監臨東南諸省
統置各道憲司而總諸內臺置御史大夫一人品秩與
內臺等領中丞御史等官統淮東淮西湖北浙東浙西
江東江西湖南八道提刑按察司十五年增江南湖北
嶺南廣西福建廣東三道二十三年以淮東淮西山南
三道撥隸內臺三十年又增海北海南一道成宗大德
元年定為江南諸道行御史臺自御史大夫以下設官

九員以監江荆江西湖廣三省統江東江西荆東荆西湖
南湖北廣東廣西福建海南十道是年置陝西諸道行
御史臺統漢中隴北四川雲南四道置御史大夫一人

其品秩悉與內臺同

至元中姜衍拜行臺御史大夫奏曰陛下以臣為耳目臣以監察御

史按察司為耳目倘非其人是臣之耳目先自閉塞下
情何由上達帝嘉之命御史臺清其選英宗至治中桑
節為行臺御史大夫時承平日久內外方以觀望為政
桑節獨持風裁御史行部必勅厲而遣之時有所屬御
史彈劾不實桑節奏白之及至正之末於福建更設分臺時政紛淆

用人非次不足編紀明初置御史臺設左右御史大夫

諭之曰國家立三大府中書總政事都督掌軍旅御史掌糾察朝廷綱紀盡繫於此而臺察之任尤清要卿等當正己以率下忠勤以事上毋委靡因循以縱姦母假公濟私以害物時以鄧愈湯和為御史大夫洪武十五年罷御史臺置都察院設監察都御史八人十六年設左右都御史各一人權位赫然同六部尚書稱為七卿與前代之御史大夫無異矣其職掌糾劾百司辨明冤枉提督各道為天子耳目風紀之司凡大臣姦邪小人構黨

作威福亂政者劾凡百官猥茸貪冒壞官紀者劾凡學術不正上書陳言變亂成憲希進用者劾遇朝覲考察同吏部司賢否黜陟大獄重囚會鞫於外朝偕刑部大理讞平之其奉勅內地拊循外地各專其勅行事

建文初練

子寧為御史大夫時李景隆姦邪懷異志屢敗名還子寧執景隆於朝數其罪請誅之不聽憤激叩首言此賣國賊臣備員執法不能除姦請先伏誅遂罷朝英宗天順中高明為南京都御史肅清綱紀劾罷諸貪吏軒輊為左都御史嚴毅待人時詣禮部拜表慶賀屏居一室撤燭朝服端坐寂無一言行禮畢即御肩輿歸僚儕聞輒來輒避去不樂與輒處孝宗弘治元年拜馬文升為左都御史是春帝藉田雜劇出狎語文升厲色曰新天

子當知稼穡艱難豈宜以此瀆亂宸聽即令斥去戴珊
為左都御史務持風紀雖簿書之細必極精覈帝親鞠
大獄諸司震悚罔從容應
對時有開析天成頓霽
至外省之總督提督巡撫經

略總理贊理巡視撫治等官必加左右都御史銜以便

行事非元之行臺也

總督漕運兼提督軍務巡撫鳳陽等處兼管河道都御史一員總督

薊遼保定等處軍務兼理糧餉都御史一員總督宣大山西等處軍務兼理糧餉都御史一員總督陝西三邊軍務都御史一員總督兩廣軍務兼理糧餉帶管鹽法魚巡撫廣東地方都御史一員總督四川陝西河南湖廣等處軍務都御史一員總督浙江福建江南兼制江西軍務都御史一員總督陝西山西河南湖廣四川五省軍務都御史一員總督鳳陽地方兼制河南湖廣軍務都御史一員總督保定地方軍務都御史一員總督

河南湖廣軍務兼巡撫河南都御史一員總督九江地
方兼制江西湖廣軍務都御史一員總理南直隸河南
山東湖廣四川軍務都御史一員總理河漕兼提督軍
務都御史一員總理糧儲提督軍務兼巡撫應天等府
都御史一員巡撫浙江等處地方兼提督軍務都御史
一員巡撫福建地方兼提督軍務都御史一員巡撫順
天等府地方兼整飭薊州等處邊備都御史一員巡撫
保定等府提督紫荆等關兼管河道都御史一員巡撫
河南等處地方兼管河道提督軍務都御史一員巡撫
山西地方兼提督雁門等關軍務都御史一員巡撫山
東等處地方督理營田兼管河道提督軍務都御史一
員巡撫遼東地方兼理軍務都御史一員巡撫宣府地
方兼理軍務都御史一員巡撫大同地方兼理軍務都
御史一員巡撫延綏等處兼理軍務都御史一員巡撫
寧夏地方兼理軍務都御史一員巡撫甘肅等處兼理
軍務都御史一員巡撫陝西地方兼理軍務都御史一

員巡撫四川等處地方兼贊理軍務都督軍務都御史一員巡撫江西地
湖廣等處地方兼贊理軍務都御史一員巡撫南贛汀韶等處地方提
方兼理軍務都御史一員巡撫廣東地方兼贊理軍務都御
督軍務都御史一員巡撫廣西地方都御史一員巡撫雲南兼建昌
史一員巡撫廣西地方都御史一員巡撫雲南兼建昌
畢節等處地方贊理軍務兼督川貴糧餉都御史一員
巡撫貴州兼督理湖北川東等處地方提督軍務都御
史一員巡撫天津地方贊理軍務都御史一員巡撫登
萊地方贊理軍務都御史一員巡撫安徽地方贊理軍
務都御史一員巡撫偏沅地方贊理軍務都御史一員
巡撫密雲地方贊理軍務都御史一員巡撫承天贊理軍務都御史一
員撫治鄖陽等處地方兼提督軍務都御史一員其南京之都
史一員贊理松潘地方軍務都御史一員

察院設右都御史一人總理糧儲加都御史銜一人

中丞

唐制中丞二人為御史大夫之貳東都留臺亦設中丞

一人專掌糾察

至德後以御史中丞為重職裴度為御史中丞恪恭盡職作相後舉侍御史崔

從為御史中丞薛存誠初為給事中時瓊林庫使秦台工徒太廣存誠以為此皆姦人竄名以避征徭不可許或陽尉表僱與軍鎮相競軍人無禮遂肆侮僱反受罰二敕繼至存誠皆執之帝聞甚悅命中使嘉勞由是選拜存誠為御史中丞開成中高元裕為御史中丞風望整嚴上言曰御史府紀綱之地官屬選用宜得實材其不稱者臣請出之會昌中李回為御史中丞宣慰河北回為人嚴毅竣厲至河朔何宏敬王元逵張仲武皆具橐鞬郊迎立於道左敬待制使自兵興以來未之有也宋設中丞一人為臺長舊

兼理檢使掌糾察百官姦惡肅清朝廷綱紀凡除中丞而官未至者皆除古諫議大夫權神宗熙寧五年以知雜御史鄧綰為中丞初除諫議大夫王安石言礙近制止以綰為龍圖閣待制權御史中丞下遷諫議大夫自綰始九年鄧潤甫自正言知制誥為中丞以宰相屬官不可掌憲府於是復遷右諫議大夫權元豐五年以丞議郎徐禧為知制誥權中丞禧言中丞糾彈之任赴舍人院行詞疑若未安適官制行罷知制誥職乃以本官

試中丞

仁宗皇祐中帝以張昇清直可任風憲乃拜為御史中丞時富弼為相歐陽修為翰林學士論

者所謂三得人也時帝以昇切指時事無所避因對廷臣嘉之曰卿孤特之操乃能如是哲宗元祐中胡宗愈為御史中丞進六事曰端本正治知難加意守法畏天疏入帝嘉納之時臺中故事有閤吏服役迨四十年以所執之槌驗中丞賢否賢則橫其槌不賢則直其槌范諷為中丞一日視其槌忽直問曰爾槌竟直豈我之失耶吏曰昨日中丞召客諭庖人造食指揮者數四又教戒之數四某不自知其槌之直諷笑而領之明日視之橫矣

高宗建炎中除官最多孝宗初被擢寢少淳熙十年始除黃洽十三年再除蔣繼周臺諫例不兼講讀熙寧中命呂正獻亦止命時赴講筵高宗時万俟卨羅汝

檄皆以秦檜意得兼寧宗慶元以後司諫以上無不預
經筵者矣遼御史臺有御史中丞金御史臺亦設御史
中丞世宗大定二十四年另鑄中丞印凡中丞之從幸
上京者佩之元御史臺中丞二人仁宗皇慶中增置一
人英宗至治二年定員額為二人掌貳大夫事

武宗至大時中

丞久闕擇人甚殷仁宗時在東宮奏薦張珪乃以珪為
中丞登極後嘉珪正直引奏多所延納皇慶中郝天挺
拜御史中丞入見首陳綱紀之要以獵為喻曰御史職
在擊奸猶鷹揚馬禽之弱者易獲其力大者必借人力
不然不惟失其前禽仍或有傷鷹之患帝嘉其言
江南諸道行御史臺中丞二

人陝西諸道行御史臺中丞二人

伊嚕布哈拜行臺御史中丞陸辭之日帝

御嘉德殿慰勞之且賜以上尊金董士選亦為行臺中丞廉威並著不嚴而肅凜然有大臣之風明初

設御史中丞洪武元年以章溢能存大體儀表百司拜

御史中丞劉基亦曾為之十三年專設左右中丞為臺

長十六年都察院設左右副都御史各一人左右僉都

御史各二人掌貳於都御史提督各道以專糾察職與

中丞同

仁宗洪熙中吳納為僉都御史昌詞義色風采凜然雖心存起厚而姦賊不法之徒自然消沮

武宗正德中王雲鳳為副都御史立朝正色彈劾不避權貴

世宗嘉靖中以清屯增

副都御史三人尋亦罷南京設右副都御史一人右僉都御史一人其提督操江一人或以副都御史或以僉都御史為之領上下江防之事

侍御史

唐制侍御史六人掌糾察百寮及入閤承詔知推彈雜事凡彈劾則大夫中丞押奏大事法冠朱衣纁裳白紗中單小事常服凡臺內事以久次者一人專決號臺端次一人知公廨次一人知彈分京城諸司及諸州為東

西次一人知西推贓贖二司受事號副端次一人知東
推理匭等有不糾察者罰之以殿中侍御史第一人同
知東推莅太倉出納第二人同知西推莅左藏出納號
四推御史次御史一人分司東都臺至德以後宰相以
侍御史權重建議彈奏先白中丞大夫復通狀中書門
下然後得奏自是御史之任輕矣德宗建中元年以侍
御史分掌公廨糾彈自是雜端之任輕矣憲宗元和八
年命四推御史受事周而復始罷東西分日之限

敬宗
寶曆

中溫造為侍御史時夏州節度使李祐入朝有違詔命造彈之祐趨出侍罪股踐流汗驚謂人曰吾夜半入蔡州城擒吳元濟未嘗心動今日膽落于溫御史矣

宋仍唐制設侍御史一人以

貳中丞其職不常除

英宗治平中趙瞻為侍御史請攬

納之又劉摯擢侍御史自熙寧中以言去位踰十六年至是復任一時姦佞刻薄之吏事狀顯著皆正色彈劾多所貶黜

中外肅然

凡侍御史必由監察御史轉授遼南面官御

史臺有侍御史興宗重熙七年命準格爾為南面侍御

史金御史臺有侍御史二人掌奏事判事治書侍御史

二人掌同侍御史元御史臺置侍御史二人治書侍御

史二人掌同中丞糾察百官善惡政治得失江南諸道
行御史臺置侍御史二人治書侍御史二人陝西諸道
行御史臺置侍御史二人治書侍御史二人明洪武元
年置侍御史治書侍御史九年汰罷後不復設

殿中侍御史

唐制殿中侍御史九人掌殿庭供奉之儀一人同知東
推監太倉出納一人同知西推監左藏出納二人為廊
下食使二人分知左右巡三人內供奉

肅宗乾元初張
鑑累遷殿中侍

御史華原令盧樞以公事譙責邑人喬令說令誅官人也衍之誣樞罪鐵按驗當免官有司承風以死論鐵不直之乃白其母曰令理樞之免死而鐵坐貶黜則負官貶則貽母憂敢問所安母曰兒無累於道吾所安也乃執正

宋殿中侍御史二人掌以儀法糾百官之失凡大

朝會及朔望六叅則東西對立彈其失儀者舊制殿中

侍御史兼左右巡使元豐八年詔殿中侍御史兼察事

仁宗天聖中何邴為殿中侍御史善為諫諍帝常嘉之又呂誨為殿中侍御史彈劾無所避公主夜叩禁門劾奏公主閤宦者竄逐之英宗即位以傅堯俞為殿中侍御史皇太后同聽政帝疾平堯俞上疏請太后還政未聽聞內侍任守忠有基語堯俞又上疏太后遂還政而逐守忠等又常同為殿中侍御史不數月劾罷監司之

不才者二十三
人中外聳然

遼南面官有殿中司殿中丞即殿中侍
御史之職金殿中侍御史二人每遇朝對立于龍墀之
下專劾朝者儀矩凡百僚告假具奏目進呈元至元五
年置殿中司殿中侍御史二人凡大朝會百官班序其
失儀失列則糾罰之在京百官到任告假事故出三日
不報者則糾舉之大臣入內奏事則隨以入凡不可預
聞之人則糾避之明洪武元年置殿中侍御史九年裁
罷之以後朝會糾儀即以監察御史任之

監察侍御史

唐制監察御史十五人掌分察百僚巡按州縣獄訟軍戎祭祀營作太府出納皆涖焉知朝堂左右廂及百司綱目凡十道巡按以判官二人為佐務繁則有支使其一察官人善惡其二察戶口流散籍帳隱沒賦役不均其三察農桑不勤倉庫減耗其四察妖猾盜賊不事生業為私蠹害其五察德行孝弟茂材異等藏器晦迹應時用者其六察黠吏豪宗兼并縱暴貧弱冤苦不能自

申者

至德中李勉投監察御史時朝廷右武勳臣恃寵多不知禮大將軍管崇嗣于行在朝堂背闕而坐

勉即劾之帝歎曰吾有李勉始知朝廷尊矣代宗永泰初趙涓為監察御史時禁中失火與東宮稍近帝深疑

東宮涓乃深厯墻垣按據跡狀乃奏上知中官失火也德宗時在東宮乃深感涓及涓刺衢州年考覈深與韓

況不相得奏免涓官德宗見其名謂宰臣曰豈永泰初御史趙涓乎對曰然即拜為尚書左丞代宗大

歷十四年以監察御史一人知兩京館驛號館驛使德

宗興元元年以第一人察吏部禮部魚監察使第二人

察兵部工部魚館驛使第三人察戶部刑部歲終議殿

最元和中以新人不出使無以觀能否乃命專察尚書

省號曰六察官宋監察御史六人掌分察六曹及百司

之事糾其謬誤

孝宗乾道八年宰臣進呈御史臺事分隸六察虞允文奏曰祖宗時監察御史

却許言事帝曰今既分隸六察可許隨事彈奏自此朝綱肅清矣

大事則奏劾小事則

舉正迭監祠祭歲詣三省樞密院以下輪治凡六察之

事稽其多寡當否歲終條具殿最以詔黜陟百官應赴

臺叅謝辭者以拜跪書札體驗其老疾凡事經郡縣監

司不能直者直牒閣門上殿論奏官卑而入殿中監察

御史者謂之裏行治平四年中丞王陶言奉詔舉臺官

多以資淺不應格乃詔舉三丞以上知縣為裏行熙寧
二年詔御史闕委中丞奏舉毋拘官職高下兼權三年
孫覺薦秀州軍事推官李定奏對稱旨為太子中允監
察御史裏行由選人為御史自定始元豐八年裁減監
察御史二員餘許盡兼言事哲宗紹聖二年復置元祐
元年詔臺諫官許二人同上殿又令六曹差除更改事
畫黃到即報臺又改六察旬奏為季奏元符二年詔吏
部守令課績最優者闕臺考察不實者重行黜責徽宗

崇寧二年都省申明臺官職在繩愆糾繆自宰臣至百官三省至百司不循法守有罪當劾者皆得糾正政和七年中丞王安石奏以本臺覺察彈奏事刊為一書錄本給付從之欽宗靖康元年詔宰臣不得薦舉臺官舊臺令御史上下半年分詣行省樞密院點檢諸房文字輪詣尚書六曹按察奉行稽違付受差失咸得糾彈渡江後稍濶不舉高宗紹興三年始復其舊是年殿中侍御史常同言元豐始置六察上自諸部寺監下至廩庫

場務無不分隸近有黃緣申請乞不隸臺察者恐非法

意宜遵舊制從之孝宗乾道二年詔自今非曾經兩任

縣令不得除監察御史

仁宗嘉祐中程顥權監察御史前復奏說最多要以正心室欲

求賢育才為先常言人主當防未萌之欲帝嘉納之又傳堯俞為監察御史朱晦子穎士以內降監汧口鎮而却水監復薦之堯俞言察院既不治穎士求內降罪而却水又安知其可用而舉之上下相結遂為阿徇其盜名器將不但一汧口而已乃罷穎士權倖憚焉又張戢除監察御史爭新法章數十上最後言今大惡未去樵斂未除不正之司尚存無名之使方擾又詣中書爭之王安石以扇掩面而笑戢曰戢之狂直當為參政所笑天下之人笑參政亦不少矣

遼御史臺無監察御史金御史臺監察

御史十二人掌糾察內外非違刷磨諸司察帳并監察禮及出使之事凡選監察御史尚書省具才能者疏名進呈以聽制任滿御史臺奏其能否仍視其所察公事具書於解由以送尚書省如所察事皆無謬戾為稱則有陞擢庸常者臨期取旨不稱者降除任未滿者不許改除至二十七年前常令六十以上者為之後臺官以年老多廢事乃勅尚書省於六品七品內取六十以下廉幹者備選大定二十九年令臺官得自辟舉章宗明昌

三年復命尚書省擬註每一缺或具三人或五人取旨授之宣宗貞祐五年詔監察御史所彈事同列不得與開元御史臺置監察御史三十三人司耳目之寄任刺舉之事至元五年始置十一人八年增置六人十九年又增置一十六人二十二年參用南儒二人

中統時魏初拜監察

御史帝宴羣臣於上都行宮有不能飲大卮者免其冠服初上疏曰臣聞尊卑之禮不可不肅昨聞錫宴大臣威儀弗謹非所以尊朝廷正上下也疏入帝欣納之仍諭侍臣曰自後毋為此舉又馬祖常為監察御史彈劾不避禮貴明監察御史一百十人較前代為最多主糾

薛震一時

察內外百司之官邪或露章面劾或封章奏劾分十三

道惟河南道監察御史獨專諸內外考察其餘各道協

管兩京直隸衙門浙江道監察御史十人

協管中軍都督府在京府

軍左金吾左金吾右金吾前留守中神策應天和陽廣洋武功中武功後茂陵十二衛收馬千戶所及直隸廬

州府廬州六安二衛

江西道監察御史十人

協管前軍都督府在京府前燕山左龍

江左龍江右龍驤豹韜天策寬河八衛及直隸淮安府大河邳州九江武清龍門各衛

福建道監

察御史七人

協管戶部寶鈔提舉司抄紙印鈔二局承運廣惠廣積廣盈賊罰甲乙丙丁戊字天

財軍儲供用行用各庫在京金吾後武城中飛熊武功左武功右武功前獻陵景陵裕陵泰陵十衛及直隸常

州池州二府定邊開平四川道監察御史七人
部管工

所文思院御用司設神宮尚衣都知等監惜薪司兵仗
銀作中帽鉞工器皿盃甲軍器寶源皮作鞍轡織染柴

炭抽分竹木各局僧道錄司在京府軍濟州大寧前蔚
州左永清左五衛蕃牧千戶所及直隸松江府廣德州

金山懷安懷來各衛神木千戶所播州宣慰
司石碣西陽等宣撫司天全六番招討司
陝西道監

察御史八人

協管後軍都督府大理寺行人司在京府
軍後鷹揚興武義勇右橫海江陰康陵昭

陵八衛敢勇報効二營韓秦慶安化四
府及直隸和州保定左右中前四衛
雲南道監察御

史十一人

協管順天府應備庫在京羽林前通州二衛
及直隸永平廣平二府通州左通州右涿鹿

涿鹿左涿鹿中密雲中密雲後永平山海廣龍撫寧東勝左
東勝右大同中屯營州五屯延慶延慶左延慶右萬全左

萬金右各衛居庸關黃花
鎮寬河武定各千戶所
河南道監察御史十人

協管禮部

都察院翰林院國子監太常寺光祿寺鴻臚寺尚寶司
中書舍人欽天監太醫院司禮尚膳尚寶直殿等監酒

醋局鐘鼓司教坊司在京羽林左留守前留守後神武
左神武前彭城六衛伊唐周鄭四府及兩淮鹽運司直

隸揚州大名二府揚州高郵儀真歸德寧山
潼關神武右各衛奉州通州汝寧各千戶所
廣西道監

察御史七人

協管通政司六科在京燕山右燕山前大
興左騰驤左騰驤右武驤左鎮南瀋陽左

會州富峪忠義前忠義後十二衛及直隸安慶徽州保
定真定四府安慶新安鎮武真定各衛紫荆關倒馬關

廣昌各
千戶所
廣東道監察御史七人
協管刑部應天府在京
虎賁左濟陽武驤右瀋

陽右武功左武功右孝陵長陵八
衛及直隸延慶州開平中屯衛
山西道監察御史八

人協管左軍都督府在京錦衣府軍右留守左驍騎右龍虎龍虎左大寧中義勇前義勇後英武水

軍左十二衛晉府長史司及直隸鎮江太平二府
鎮江建陽瀋陽中屯各衛平定蒲州二千戶所 山東

道監察御史十人協管宗人府兵部會同館御馬監典牧所大通關在京羽林右永清右濟

川三衛及中都留守司遼東都司直隸鳳陽府徐滁二
州中都留守左留守中鳳陽鳳陽中鳳陽右皇陵長淮

懷遠徐州滁州泗州壽州宿州武平沂州德
州德州左保定後瀋陽中各衛洪塘千戶所 湖廣道監

察御史八人協管右軍都督府五城兵馬司在京留守古武德忠義右虎賁右廣武水軍右江淮

永陵八衛遼梁岷吉華陽五府荆襄楚三府長史司及
興都留守司直隸寧國府寧國宣州神武中定州茂山

各貴州道監察御史七人協管吏部太僕寺上林苑監內官印綬二監在京旗手衛

及長蘆鹽運司大寧都司萬全都司直隸蘇州河間順
德三府保安州蘇州太倉鎮海薊州遵化鎮朔興州五
屯忠義中河間天津天津左天津右宣府前宣府左宣
府右開平保安右蔚州永寧各衛嘉興吳淞江梁城滄
州興和長安龍門各千戶所 在內兩京刷卷巡視京營監臨鄉會試

及武舉巡視光祿巡視倉場巡視內庫皇城五城輪值

登聞鼓在外巡按

北直隸二人南直隸三人宣大一人遼東一人甘肅一人十三省各一人

清軍提督學校

兩京各一人萬厯中南京增一人

巡鹽

兩淮一人兩浙一人長蘆一人

河東一人

茶馬巡漕巡關攢運印馬屯田師行則監軍紀功

各以其事專監察巡按則代天子巡狩所按藩服大臣

府州縣官請考察舉劾尤專大事奏裁小事立斷按臨所至必先審錄罪囚弔刷案卷有故出入者理辯之諸祭祀壇場省其牆宇祭器存恤孤老巡視倉庫查算錢糧勉勵學校表揚善類剪除豪蠹出按復命都御史覆劾其稱職不稱職以聞洪武十五年始置監察御史為浙江河南山東北平山西陝西湖廣福建江西廣東廣西四川十二道每道或置五人或三四人不等建文二年改十二道為左右兩院設御史二十八人永樂初復

舊宣宗宣德十年定為十三道

增貴州道

定員額一百十人

南京監察御史亦分十三道浙江江西河南山東山西
陝西四川雲南貴州九道各二人福建湖廣廣東廣西
四道各三人嘉靖以後不全設或以一人兼數道凡刷
卷巡倉巡江巡城屯田印馬巡視糧儲監收糧斛點閘
軍士管理京營比驗軍器皆叙而差之清軍則偕兵部
兵科覈後湖黃冊則偕戶部戶科

主簿

典事檢法經歷都事附

唐制主簿一人掌印受事發辰覈臺務宋制置檢法一人掌檢詳法律主簿一人掌受事發辰勾稽簿書紹興初詔御史臺檢法主簿即令殿中侍御史奏辟光宗紹熙中侍御史林大中以論事不合去所奏辟檢法官李謙主簿彭龜年亦乞同罷自寧宗嘉定元年劉槩除檢法官范之柔除主簿後其職常闕遼無是官金亦無主簿設典事二人檢法四人為御史臺首領元御史臺設經歷一人都事二人為御史臺首領明都察院設經歷

一人都事一人為都察院首領南京都察院同穆宗隆慶
四年革都事

欽定續通典卷二十八

欽定四庫全書

欽定續通典卷二十九

職官

諸卿上

總論諸卿

少卿附

唐制九年與北齊及隋同

太常寺光祿寺衛尉寺宗正寺太僕寺大理寺鴻臚寺司

農寺太府寺

置卿各一人少卿或二人或一人

太常寺光祿

寺一人衛尉二人宗正二人太僕一人大理二人鴻臚二人司農二人太府二人丞以下各有差

詳見各寺宋九年與唐同初各置判寺事一人以朝官以上

充元豐正官名乃各置卿一人少卿一人惟大理司農

置少卿二人遼南面官太常光祿

後改為崇祿以避太宗諱也

衛尉

宗正太僕大理鴻臚司農八寺與唐宋同各置卿少卿

惟改太府為監置太監少監等官金惟太常寺大理寺

設卿少卿等官元太常光祿太僕大理司農五寺與唐

宋同各置卿少卿初設太常寺卿一人少卿五人後改

為院改置院使同知等官光祿寺卿少卿各一人太僕

寺卿少卿各二人大理寺置後即廢司農寺卿少卿各二人其外如掌謁司卿四人少卿四人掌醫監卿四人太卿五人羣牧監卿三人太卿各二人二人武備寺卿四人少卿四人尚乘寺卿四人少卿二人長信寺卿四人少卿二人長秋寺卿五人少卿二人承徽寺卿五人少卿二人長寧寺卿六人少卿二人長慶寺卿六人少卿二人寧徽寺卿六人少卿四人太府監太卿六人中尚監卿八人章佩監卿五人經正監太卿一人秘書監

卿四人皆前代之所無其大宗正府之扎爾古齊大司
農司之達嚕噶齊同知宣政院宣徽院大禧宗禋院太
常禮儀院典瑞院太史院太醫院將作院通政院中政
院儲政院之院使同知副使同僉僉院院判等官皆前
代之卿職至少府監掌織染技巧之事將作監掌土木
工匠之政累朝職掌略同元改少府監為大都留守其
官司與將作院所掌互相替易亦一代變制也明太常
光祿太僕太理鴻臚五寺各置卿一人少卿二人南京

所設亦如之其外如尚寶司行太僕寺

太祖洪武三十年置於山西北

平陝西甘肅
遼東等處

苑馬寺亦各置卿少卿一人焉

太常寺

丞

主簿

博士

太祝

奉禮部

協

律郎

兩京郊社署

太樂署

鼓吹署

太醫署

太卜署

廩犧署

汾祠署

太公廟署

檢討吏目附

唐太常寺卿一人少卿二人卿掌禮樂郊廟社稷之事

總郊社太樂鼓吹太醫太卜廩犧諸祠廟等署少卿為

之貳凡大禮則贊引有司攝事則為亞獻三公行園陵

則為副大祭祀省牲器則謁者為之導小祀及公卿嘉

禮命謁者贊相凡巡幸出師克獲皆擇日告太廟宋初
置判寺無常員以兩制以上充別置太常禮儀院雖隸
本寺其實專達有判院同知院四人與禮院事不相兼
仁宗康定元年置判寺同判事始並兼禮院事元豐官
制行置太常寺卿一人少卿一人掌禮樂郊廟社稷壇
壝陵寢之事少卿為之貳祭祀有大祠有小祠其犧牲
幣玉酒醴薦獻器服各辨其等掌樂律樂舞樂章以定
宮架特架之制祭祀享則分樂而序之凡親祠及四孟

月朝獻景靈宮郊祀告享太廟掌贊相禮儀升降之節
歲時朝拜陵寢則視法式辦具以授祠官凡祠事差官
卜日齋戒皆檢舉以聞郊祀已頒御札則撰儀以進宮
架鼓吹警場率前期按閱即習餘祀及朝會宴享上壽
封冊之儀物亦如之若禮樂有所損益及祀典神祇爵
號與封爵繼嗣之事當考定者擬上於禮部哲宗元祐
三年詔各寺監互置長貳惟太常寺長貳兼置徽宗宣
和三年令本寺因革禮五年一檢舉接續編修孝宗隆

興元年以光祿寺並歸太常

太祖乾德中以雅樂聲高近於哀思不合中和令判

太常寺和峴改定峴以王朴律準較洛陽司天臺影表石尺制律呂音始和暢又賈黃中判太常禮儀院每詳定典禮損益得中仁宗天聖中同禮院王暉言開國以來禮儀沿革文字重複編成六十卷名禮閣新義又英宗治平中修禮書百卷名曰太常因革禮自歐陽修同判太常寺事奏禮院文字散失請差官編修後張洄奏用姚闢蘇洵編纂至是成書又曾肇同知太常禮院肇在職多所釐正上親祀皇地祇於北郊蓋自肇發之

遼南面官有太常寺卿少卿掌祭祀之事金熙宗皇統

三年始置太常寺凡太廟廩犧郊社諸陵大樂等署隸

焉設卿一人少卿一人掌禮樂郊廟社稷祠祀之事元

設太常禮儀院掌大禮樂祭享宗廟社稷封贈謚號等
事凡大廟郊祀廩犧社稷大樂等署隸焉世祖中統元
年中都立太常寺止設寺丞一人至元二年翰林兼攝
太常寺九年立太常寺設卿一人少卿以下五人十三
年以侍衛司省併太常寺

至二十年又別置侍儀司

十六年又增法

物庫子掌公服法服之藏武宗至大元年改陞為院設
官十二員四年復為太常寺仁宗延祐元年復改陞院
以大司徒領之文宗天歷二年定置院使二人同知二

人僉院二人同僉二人院判二人又置大禧宗禋院設
院使都典制神御殿事六人同知兼佐儀神御殿事二
人副使兼奉贊神御殿事二人僉院兼祇承神御殿事
二人同僉兼肅治神御殿事二人院判供應神御殿事
二人叅議二人掌朔望歲時諱忌日辰禋享禮典明洪
武元年置太掌司設卿少卿等官三十年改司為寺卿
一人少卿二人掌祭祀禮樂之事總其官屬籍其政令
以聽於禮部洪武以後間有以樂舞生累資陞至卿甚

或加禮部尚書侍郎銜者穆宗隆慶初乃始定制重推
科甲出身者為卿凡天神地祇人鬼歲祭有常先冬十
二月朔奏請明年祭日天子御奉天殿受之乃頒於諸
司天子親祭則贊相禮儀大臣攝事亦如之凡國有冊
立冊封冠婚營繕征討大喪諸典禮歲時旱澇大災變
則請告宗廟社稷薦新則移光祿寺供其品物祭祀先
期請省牲進祝版銅人殿殿奏請齋戒親署御名省牲
偕光祿卿惟大祀車駕親省大臣日一省之凡祭滌器

鑾理香燭玉帛整拂神幄掌燎看燎讀祝奏禮對引司
香進俎舉麾陳設收支導引設位典儀通贊奉帛執爵
司樽司壘洗凡卿貳皆率屬各供其事

洪武二十一年以廬原質為太

常少卿事惠帝屢有建白靖難後召見不屈遂殉節焉
又廖昇為太常少卿建文元年勅修高皇寶錄以昇為
副總裁時稱博雅又世宗嘉靖中李開先

為太常少卿會九廟災上疏自陳竟罷歸

孝宗弘治七

年增設卿少卿各一人提督四譯館事世宗嘉靖中裁

卿止設少卿一人用本寺銜名不治寺事

所掌詳見中書省通事舍

人南京太常寺卿一人少卿一人

丞唐置二人掌判寺事凡享太廟則修七祝於西門之內宋制丞一人叅領寺事太祖建隆乾德時以禮官久次官高者充元豐官制行始置丞專其職高宗建炎初次併省冗職罷之紹興三年復置隆興元年又以光祿寺併歸太常復罷丞明年又詔依舊制

隆興初以李浩為太常丞台對時首

論聖學人稱其純正又石待問少以詩賦名累官至太常丞時丁謂畏其直錢易竒其文楊億李諤服其議論范希純為太常丞舊制太廟薦享逐室設常食一牙盤元豐時奏罷之希純奏請復舊制名曰薦羞

遼南

面官有太常寺丞金亦置一人佐卿少卿理寺事元中

統元年中都立太常寺止設寺丞一人延祐元年改為

太常禮儀院置院使等官罷丞不置明置丞二人為卿

少卿之貳

洪武初張羽舉賢良不出徵起廷對稱旨擢太常丞兼翰林院同掌文淵閣事十六年帝

親蒙滁陽王事實命羽撰廟碑當時以大制作推重之

主簿唐置二人宋仁宗皇祐中宋祁乞增置一人勾檢

在寺文書及掌出納遂除胡瑗為主簿後省罷元豐官

制行復置高宗建炎三年又罷之紹興十年復置

是時太常

少卿王賞言本寺主簿劉榮強記洽聞又深禮樂所有討論文字欲與共同討論詔從之遼各卿寺

有主簿金無之元無主簿設經歷一人都事一人為本
寺首領照磨兼管勾承發架閣收掌文書即主簿之職
也明置典簿二人仁宗洪熙元年置犧牲所吏目一人
典掌文移南京大常寺典簿一人

博士唐置四人掌辦五禮按王公三品以上功過善惡

為之謚大禮則贊卿導引

德宗貞元中帝親郊時更兵亂禮物殘替博士張薦為叅

綴典儀畧如舊章又王彥威淹博古今典禮求為太常
散吏卿知其經生補檢討官彥威採隋唐凡禮沿革皆
條次彙分號元和新宋置博士四人掌定五禮儀式有
禮上之遂拜博士

改革則據經審議凡於法應諡者考其行狀撰定諡文
有祠事則監視儀物掌凡導引之事徽宗大觀元年以
太常寺所被旨及施行典禮事每季輪博士詮次成籍
以備討論建炎初併省冗職僅置博士一人紹興九年
臣僚奏言元豐正名太常主議論者博士四人乞叅稽
舊典添置博士以稱朝廷蒐補闕軼緝熙彌文之意詔
添博士一人隆興元年又併省一人

建隆中和峴為太常博士從祀南郊

峴贊導乘輿進退間雅太祖謂近侍曰誰氏之子何相禮之明辨乎左右以峴問閣對尋拜刑部員外郎兼判

太常寺又常安民字希古為成都教授上書論治國之本曰勸忠厚勵名節元祐公卿皆薦其才召為太常博士

遼南面官有太常寺博士金太常寺博士二人掌檢討典禮章宗明昌元年更置檢討二人泰和元年置檢討官一人為博士貳所掌與博士同四年即罷元博士

二人虞集為太常博士丞相拜珠方為院使間從集問禮器祭義甚悉集為言先王制作以及古今因革

損益之由拜珠歎息深許益信儒者可用又王守誠性好學從鄧文原虞集遊文詞日進泰定中為太常博士續編太常集禮以進又李好文除太常博士時有詔為集禮令各省及各郡縣纂修久而未成好文白長院請自選僚屬數人仍請出架閣文牘以資采錄三年書成名曰太常集禮

明博士二人講習

禮文請帝填名祝版大禮導贊其儀南京太常寺博士一人
太祝唐置六人掌出納神主祭祀則跪讀祝文卿
省牲則循牲告充牽以授太官宋太祝一人掌讀冊辭
授搏黍以嘏告飲福則進爵酌酒受其虛爵遼南面官
太常寺有太祝金太祝掌奉祀神主元置十人較前代
為獨多明置贊禮郎九人掌讀祝兼贊導之事嘉靖中
增至三十三人後罷二人建文中設太祝一人後罷之南
京贊禮郎七人嘉靖中罷一人

奉禮郎唐置二人掌君臣版位以奉朝會祭祀之禮宗廟則設皇帝位於庭九廟子孫列焉昭穆異位去爵從齒凡樽彝勺冪篚缶簠簋登銅豆皆辨其位凡祭祀朝會拜跪之節皆贊導之公卿巡行諸陵則主其威儀鼓吹而相其禮宗奉禮郎一人掌奉幣帛授初獻官大禮則設親府版位遠南面官太常寺有奉禮郎金奉禮郎所掌亦同元亦置二人又有奉禮兼檢討一人品與奉禮郎同明設贊禮郎無奉禮郎

協律郎唐置二人掌和律呂

又有錄事二人禮院修撰檢討官各一人貳其事

宋置一人掌律呂以和陰陽之聲正官祭特樂樂舞之位大祭祀享燕用樂則執麾以詔作止之節舉麾鼓祝而樂作偃麾戛鼓而樂止凡樂掌其序事遼南面官太常寺有協律郎金亦有協律郎職掌與唐宋同元置二人明隆慶三年罷協律郎等官四十八員神宗萬歷六年復設又設司樂二十人考協雅樂凡舞人韻聲人籍覈其名數而審肄之凡祭先期演樂太和殿

兩京郊社署唐置令一人掌五郊社稷明堂之位與奉禮郎設樽罍篚霏而太官令實之立燎壇積柴合朔有變則巡察四門以俟變過則罷宋置郊社令掌巡視四郊及社稷壇壝掌凡掃除之事祭祀則省牲太廟令掌宗廟薦新七祀及功臣從享之禮籍田令掌帝籍耕耨出納之事植五穀蔬果藏冰以待用官闡令掌率其屬以汎洒廟廷凡修治潔除之事遼亦有署令署丞等官金有太廟署令一人丞一人及郊社署令一人丞一人

掌宗廟社稷祠祀祈禱并廳舍祭器等物諸陵署提點
山陵令一人涿州刺史兼丞一人掌守山陵元至元三
年置太廟署令二人丞一人掌宗廟行禮兼廩犧署事
成宗大德九年置郊祀署令二人丞一人掌郊社行禮
兼廩犧署事大德元年置社稷署令二人丞一人明天
壇地壇朝日壇夕月壇先農壇帝王廟祈穀殿各陵各
祠祭署俱置奉祀一人祀丞二人南京太常寺各祠祭
署奉祀八人祀丞七人

大樂署唐置令二人丞一人樂正八人掌調鐘律以供祭饗凡習樂立師以教而歲考其師之課業為三等以上禮部宋置大晟府以大司樂為長典樂為貳次曰大樂令秩比丞次曰主簿協律郎又有按協聲律製撰文字運譜等官遼亦有大樂署金大樂署亦置令丞直長大樂正大樂副正等官掌調和律呂教習音聲并施用之法及祠祀行禮陳設樂縣之事元中統五年始置大樂署令二人丞一人掌管禮生樂工共四百七十九戶又

儀鳳司大使五人副使四人掌樂工供奉祭饗之事隸宣徽院至元二十五年撥歸禮部明洪武十二年置神樂觀設提點知樂等官掌樂舞事

鼓吹署唐置令二人丞二人掌鼓吹之節宋無之遼有鼓吹署金以大樂署兼元明皆無之

太醫署唐置令二人丞二人醫監四人醫正八人掌醫療之法宋太醫局有丞有教授有九科醫生額三百人歲終則會其全失而定其賞罰隆興元年併省醫官而

罷局生光宗紹熙二年復置太醫局局生以百人為額
餘并依未罷局前體例仍隸太常寺遼南面官有湯藥
局置都提點勾當湯藥等官屬內侍省不隸太常寺金
有尚藥局提點使副使掌進湯藥太醫院提點使副使
判官等官掌諸醫藥御藥院提點直長都監同監等官
掌進御湯藥屬宣徽院不隸太常寺元別設太醫院不
隸太常寺中統元年置宣差提點太醫院事給銀印掌
醫事奉御藥物二十年改為尚醫監二十二年復為太

醫院仍給銀印置提點四人院使副使判官各二人太德五年設官十六人十一年增院使二人仁宗皇慶元年增院使二人明年增院使一人英宗至治二年定置院使一十二人同知二人僉院二人同僉二人院判二人屬官有經歷都事各二人照磨兼承發架閣庫一人所屬廣惠司卿四人少卿二人司丞二人掌修制御用回回藥物及和劑以療諸宿衛士及在京孤寒者御藥院達魯噶齊一人大使二人副使三人直長一人都監

一人掌受各路鄉貢諸番進獻珍貴藥品修造湯煎御藥局達嚕噶齊一人局使二人副使二人掌兩京行篋藥餌行御藥局達嚕噶齊一人司使一人副使一人掌修合御餌御香局提點一人司令一人掌脩合御用諸香醫學提舉司提舉一人副提舉一人掌考較諸路醫生科義試驗太醫教官校勘名醫撰述文字辨驗藥材訓誨太醫子弟領各處醫學官醫提舉司提舉掌醫戶差役詞訟大都保定彰德東平四路置提舉司提舉副

提舉各一人河間大名晉寧大同濟寧廣平冀寧濟南
遼陽興和十路設提舉副提舉各一人衛輝懷慶大寧設提
舉一人明太醫獨設一院亦不隸太常寺洪武元年置
太醫院設院使同知院判典簿等官十四年改置令一
人丞一人吏目一人御醫四人二十二年復改令為院
使改丞為院判二人掌醫療之法凡醫術十三科醫官
醫生醫士專科習業凡醫家弟擇師而教之三年五年
一試再試三試乃黜陟之凡藥辨其土宜擇其良楮慎

其條製而用之四方解納藥品院官收貯生藥庫時具燥濕禮部委官一員以稽察之南京大醫院院判一人吏目一人惠民藥局生藥庫各大使一人

太卜署唐置令一人丞二人卜正博士各二人掌卜筮之法宋以太卜司隸天臺不置專官遼金元皆無之明洪武十七年置稽疑司令一人左右丞各一人屬官司筮無定員以掌卜筮後即罷

廩犧署唐置令一人丞二人掌祭祀粢盛之事宋廩犧

署屬光祿寺有牛羊司供應所掌大中小祀之牲拴及
大官宴享膳羞之用監官三人以諸司使副及三班使
臣充監棧圈三人以三班使臣充遼無之金廩犧署有
丞直長等官掌薦犧牲及養飼等事明昌三年罷之以
太廟令丞兼元廩犧署置令二人丞二人
郊祀署兼明洪武
三年置神牲所吏目一令大使副使等官四年罷洪熙
時置犧牲所吏目一人

汾祠署齋太公廟署唯唐置有令丞等官宋遼金元明

皆無之

光祿卿

丞
掌醢署

主簿
大官署

珍羞署

良醢署

唐制光祿卿一人少卿二人掌酒醴膳羞之政凡祭祀省牲鑊濯漑三公攝祭則為終獻朝會享則節其等差宋初光祿寺置判寺事一人以朝官以上充光祿卿少卿皆為寄祿元豐官制行始置卿一人少卿一人卿掌祭祀朝會宴饗酒醴膳羞等事修其儲備而謹其出納之政少卿為之貳元祐三年詔長貳互置徽宗政和六

年監察御史王桓奏祭祀牢醴之具掌於光祿而寺官未嘗臨視請大祠以長貳朔祭及中祠以丞簿監視宰割從之建炎以後廢寺併入禮部遼南面官初設光祿後改為崇祿寺有卿少卿丞主簿等官金宣徽院監知御膳太府監掌造酒醴無光祿寺元至元十五年設光祿寺卿一人少卿一人二十三年增卿一人二十四年增少卿一人隸宣徽院二十五年撥隸省部三十四年復隸宣徽院定置卿四人少卿二人明初置宣徽院設

院使同知院判典簿等官以尚食尚醴二局隸之繼即
改為光祿寺設卿一人少卿二人掌祭享宴勞酒醴膳
羞之事率其官屬辨名數會出入量豐約以聽於禮部
凡祭祀同太常寺省牲天子祭親進飲福受胙薦新循
月令獻其品物凡筵宴酒食及外使降人俱差其等而
供給之監以科道官一人察其出入糾禁其姦弊

嘉靖
中馮

惟訥以光祿寺卿致仕歷官已三十年圖書詩卷外無長
物撰漢魏六朝詩紀自上古以迄陳隋網羅放失殊有
功於藝苑南京光祿寺卿一人少卿一人隆慶四年罷少卿

丞唐置二人宋一人元二人明二人

主簿唐置二人宋一人元置主事二人明置典簿二人
錄事一人南京典簿一人

大官署唐置令二人丞四人掌供祠宴朝會膳食宋元
祐初罷大官令二年復置徽宗崇寧二年置尚食局大
官令惟掌祠事遼尚食局有奉御金尚食局有提點使
副使等官掌總知御膳進食先嘗兼管從官食屬宣徽
院元置尚食局大使一人副使二人直長一人掌供御

膳明大官署署正一人署丞四人供祭品官膳節令進

宴番使宴犒之事

隆慶中楊鎔奏請以舉人出身知縣教官庶能素著者入補光祿寺署正

而間以例貢參之優其超擢或徑於聽選舉人中除補從之

監事四人南京光祿寺

大官署署正一人署丞一人

珍羞署唐置令一人丞二人掌供祭祀朝會賓客之庶

羞榛栗脯脩魚鹽菱芡之名數宋珍羞署有供備庫太

宗太平興國中改為內物料庫有使及副使掌供尚食

及內外膳羞米麪飴蜜棗豆百品之料隸御厨其光祿

寺有翰林司掌供果實及茶茗湯藥有外物料庫掌收貯米鹽雜物以待膳食之須金有果子都監同監各一人掌給受進御果子隸宣徽院元沙糖局達嚕噶齊一人提點一人大使一人副使一人掌沙糖蜂蜜煎造及方貢果木等物明珍羞署署正一人署丞四人監事四人供宮膳肴核之事南京光祿寺珍羞署署正一人署丞一人萬厯中罷署丞

良醢署唐置令二人丞二人掌供五齋三酒享太廟則

供鬱鬯進御則供春暴秋清醑釀桑落之酒宋有法酒
庫內酒坊掌造酒以待供進及祭祀給賜金尚醞署有
令丞直長等官掌進御酒醴屬宣徽院不隸光祿寺元
中統四年置大都尚飲局大使一人副使一人俱帶金
符掌醞造上用細酒至元十二年增副使二人十五年
置提點一人後定制置提點一人大使一人副使二人
明良醞署署正一人署丞四人監事四人供酒醴之事
南京光祿寺良醞署署正一人署丞一人嘉靖中罷署

丞

掌醢署唐置令二人丞二人掌供醢醢之物宋油醋庫監官一人掌供油及鹽截遼金無元亦不特設官明掌醢署署正一人署丞四人監事四人南京光祿寺掌醢署署正一人署丞一人嘉靖中罷署丞

衛尉卿丞

主簿
公車司馬令

武庫署

武器署

守宮署

衛尉寺卿唐置一人少卿二人掌器械文物總武庫武器守宮三署兵器祭祀朝會則供羽儀節鉞金鼓帷帟

茵席宋初衛尉寺置判事一人以郎官以上充凡武庫
武器歸內庫守宮歸儀衛司本無所掌元豐官制行乃
歸本寺始置卿一人少卿一人掌儀衛兵械甲冑之政
令凡內外作坊輸納兵器辨其名數驗其良窳以歸於
武庫歲終上計帳於兵部掌凡幄帟及鹵簿儀仗遇大
禮則長貳晝夜巡徼察其張設不如儀者凡仗衛器物
之敝者移少府軍器監修焉建炎以後廢衛尉寺併入
工部遼北面官有北面御帳官侍衛司近侍詳衮司北

護衛府南護衛府宿衛司官屬掌巡徼御帳南面官亦有衛尉寺金衛尉司有中衛尉副尉掌中宮事務左右常侍掌周護導從儀仗之事元至元二十年立衛尉院改軍器監為武備監隸衛尉院二十一年改監為寺與衛尉院並立二十四年罷衛尉院專卿武備寺卿四人同判六人少卿四人丞四人掌繕治戎器兼典受給明初置拱衛司後改為拱衛指揮使司尋又改為都尉司屬都督府設儀鸞司隸焉洪武十五年罷儀鸞司改置

錦衣衛恒以勲戚都督領之凡朝會巡幸則具鹵簿儀
仗率大漢將軍等侍從扈行宿衛則分番入直其屬有
鑾輿擎蓋扇手旌節旛幢班劍斧鉞戈戟弓矢馴馬十
司各領將軍校尉以備法駕其營造軍器之事俱掌於
兵部

丞唐置二人掌判寺事辨器械出納之數大事丞制勅
小事則聽於尚書省宋置一人叅領寺事遼金元明皆
無之

主簿唐二人宋一人遼金元明皆無之

武庫署唐制兩京各置令二人丞二人監事一人掌藏
兵械有敕建金雞置宮城門之右大理及府州縣囚徒
至則擊之宋衛尉寺有內弓箭庫內外庫軍器庫槍庫
軍器弩劒箭庫掌藏兵杖器械甲冑以備軍國之用金
武庫署有令丞直長等官以曉軍器女直人充掌收貯
諸路常課甲杖屬殿前都點檢司不隸衛尉寺元至元
十年改衣甲庫為壽武庫置提點二人大使二人副使

四人隸武備寺明戎器掌於兵部武庫司

武器署唐置令一人丞二人監事二人掌外戎器祭祀
行幸則納於武庫給六品以上葬鹵簿康戟宗設六軍
儀仗司掌清道徽巡排列奉引儀仗以肅禁衛凡儀物
以時修飭金武器署有提點令丞直長頓舍等官掌祭
祀朝會巡幸及公卿婚葬鹵簿儀仗旗鼓笛角之事隸
殿前都點檢司元利器庫提點三人大使二人副使二
人掌隨路軍器明無是官

守官署唐置令一人丞二人監事二人掌公帳帝宗置儀鸞司掌供幕帟供帳之事金置儀鸞局有提點使副使直長等官掌殿庭鋪設帳幕香燭等事收支都監二人一人掌給受鋪陳諸物一人掌萬寧宮收支庫屬宣徽院又置法物庫使副使直長等官掌鹵簿儀仗車輅法服等事隸兵部元設中尚監卿八人太監二人少監二人監丞二人掌領資成庫擅作供內府陳設帳房帟幕車輿雨衣之用明設御用監司設監皆以宦官掌之

詳內侍

省篇

公車司馬令及左右都候自唐以後歷代皆無

宗正卿

丞

主簿

崇元署

諸陵署

太廟署

大宗正司附

唐制宗正卿一人少卿二人掌天子族親屬籍以別昭

穆凡親有五等先定於司封

代宗永泰二年宗正卿吳王祗奏上皇室永嘉新譜

二十卷太常柳房所撰房精於譜學按宗正譜牒自武德以來宗支昭穆相承撰皇室譜二十卷穆宗長慶元年宗正寺奏准貞元二十一年勅宗子陪位放五百七十人出身今年勅放三百人伏緣人數至多不沾恩澤白身之輩將老村間乞降特恩更放二百人出身許之

宋初宗正寺置判寺一人

以宗姓兩制以上充真宗大中祥符八年以兵部侍郎
趙安易兼卿判寺事趙世長改為知寺事元豐官制行
詔宗正長貳不專用國姓蓋自有大宗正司以統皇族
也卿一人少卿一人卿掌叙宗派屬籍以別昭穆而定
其親疎少卿為之貳

真宗咸平時趙安仁為宗正卿帝以安仁舊德大業特令知寺事自

是多所規制重修玉牒屬籍神宗元豐時以宗景知大宗正事先是宗景父允弼司宗久故帝復選而用之使諭其母先正久司宗正德及皇族令命而子繼之又趙仲忽入判大宗正事帝賜之甲第及建賢懋功之閣以示寵仲忽鯁亮端毅動循禮法立宗正司法式

遼太祖神冊二年置大特哩袞

司掌皇族之政令設官曰特哩袞

又名德爾吉

知特哩袞司事

特哩袞司事

興宗重熙中耶律義先拜特哩袞戒族人曰國家三父房最為貴族凡天下風化之

所自出不孝不義雖小不可為其妻晉國長公主之女每見中表必具禮服義先以身率先國人化之

南

面官有宗正寺屬大特哩袞司金置大宗正府章宗泰和六年避睿宗諱改為大睦親府判大宗正寺一人舊以皇族中屬親者充掌敷睦宗族親奉王命是年乃改為大睦親事同判大宗正事一人改為同判大睦親事同簽大宗正事一人改為同簽大睦親事元初大宗正

府未有官制首置斷事官曰扎爾古齊會決未務特賜銀印至元二年置十人三年置八人理蒙古公事以諸王為府長餘悉御位下及諸王之有國封者又有集賽人員奉旨署事別無頒受宣命十四年置十四人十五年置十三人二十一年置二十一人二十二年增至三十四人二十八年增至四十六人大德四年省五人皇慶元年又省二人先是宗正府兼理漢人刑名事泰定帝致和元年定制以上都大都所屬蒙古人并集賽軍

站色目與漢人相犯者歸宗正府處斷其餘路府州縣

漢人蒙古色目詞訟悉歸有司刑部掌官

時多爾濟巴勒掌宗正府

事聽訟之際引論律令曲當事情有同僚年老者嘆曰
吾居是官四十年見公論事殆神人也又至元時哈喇
哈斯由掌宿衛拜大宗正用法平允時欲以江南獄隸
宗正哈喇哈斯曰江南新附教令未孚且相去數千里
欲遙制其刑獄得無冤乎事遂止

明洪武三年置大宗正院二十二年

改為宗人府置宗人令一人左右宗正各一人左右宗

人各一人並以親王領之

時秦王棖為令晉王桐燕王棖為左右宗正周王橚楚王

植為左掌皇九族之屬籍以時修其玉牒書宗室子女

適庶名封嗣襲生卒婚嫁諡葬之事其後以勲戚大臣攝府事不備官而所領亦盡移之禮部永樂初建都北京宗人府為行在命駙馬都尉永春侯王寧署府事英宗正統三年始建府治以駙馬都尉西寧侯宋瑛掌之以所領皆宗室重事故品秩特序文職之首

丞唐置二人叅領寺事宋初以宗姓朝官以上知丞事掌奉諸廟諸陵薦享之事元豐官制行始置丞一人初除趙君錫明年以楊畏為宗正寺丞詔宗正寺除長貳

外自今後更不專差國姓建炎三年罷孝宗隆興二年復置遼無之金置二人一人於宗室中選能幹者充一人不限親疎分司上京泰和六年改為大睦親丞元設郎中二人員外郎二人都事二人明亦無之

大宗正司宋仁宗景祐三年始置以皇兄寧江軍節度使濮王知大宗正事皇姪彰化軍節度使觀察留後守節同知大宗正事元豐官制行仍置知大宗正及同知大宗正各一人選宗室團練觀宗使以上有德望者充

丞二人以文臣京朝官以上充掌糾合族屬而訓之以德行道藝受其詞訟而糾正其愆違季終類奏歲錄存亡之數報宗正寺有記室一人教授十二人崇寧三年置南外宗正司於南京西外宗正司於西京各置敦宗院詔各擇宗室之賢者一人為知宗掌外居宗室詔復定宗學博士正錄員數皆隸大宗正司遼金元明無之主簿唐置二人宋真宗天禧時以衛尉丞兼元豐官制行除楊完為主簿建炎三年罷紹興十年復置金置知

事一人檢法一人元置承發架閣庫管勾一人明置經歷一人典出納文移

崇元署唐置令一人丞二人掌京都諸親名數與道士帳籍齊醮之事宋制宮觀寺院之政令及神祠封爵之名號皆祠部掌之屬禮部亦掌於禮部元集金賢院兼攝元門道教陰陽祭遁之事有大學士學士直學士等官明亦掌於禮部祠祭司

諸陵署唐制每陵置令一人丞一人掌守衛山陵宗宗

正寺丞掌奉諸陵薦享之事金諸陵署

詳見前

園陵署令

以宛平縣丞兼宣宗貞祐三年以園陵遷大興縣境遂以大興縣令丞兼明各陵設祠祭署奉祀祀丞屬太常寺

太廟令唐玄宗開元二十四年以宗廟所奉不可以名署太常少卿常緇奏廢太廟署以少卿一人知太廟事二十五年以濮陽王徹為宗正卿恩遇甚厚建議以宗正司屬籍乃請以陵寢宗廟隸宗正天寶十二載駙馬

都尉張垺為太常卿得幸又以太廟諸陵署隸太常十
三載改獻昭乾定橋五陵署為臺升令品永康二陵稱署
如故肅宗至德二年復以陵廟隸宗正代宗永泰元年
太常卿姜慶初復奏以陵廟隸太常大厯二年仍歸宗
正寺以後不易宗以宗正寺丞奉諸廟祭祀金皇統八
年太廟成設置令丞並兼廩犧署事屬太常寺元太
廟令二人丞一人掌宗廟行禮併兼廩犧署事亦屬太
常明制同

太僕卿

丞

主簿

乘黃署

典廐署

典牧署

車府署

諸牧署

唐制太僕寺卿一人少卿二人掌廐牧輦輿之政凡監

牧籍帳歲受而會之上駕部以議考課

天寶中張暉為太僕卿還鄉拜

墓特賜錦袍施繒絲御賜詩以寵異之乘傳來往敕郡縣供擬元和中劉昌為四鎮北庭行營兼涇原節度使

子士涇遷太僕卿給事中韋宏景與薛存慶封還制書上疏論之帝曰昌有功於邊士涇又尚主官少卿已十餘年制書宜下宏景等乃奉詔宋初置判寺事一人以朝官以上充元

豐官制行置卿一人少卿一人掌車輅廐牧之政令國

有大禮供其輦輅屬車前期戒有司教閱象馬若有事

於南北郊侍中請升輅卿授綬總國之馬政凡閱馬差次其高下應給賜則如格授歲終鈎覆帳籍以上駕部

建炎後廢太僕寺併入兵部

咸平中錢維演入朝博學能文詞召試學士院以笏

起草立就帝稱善改太僕少卿

遼北面官有尚廐使尚廐副使飛龍使

飛龍副使總領內外廐馬等官南面官亦設太僕寺金

無太僕寺設尚廐局提點使副使掌御馬調習牧養直

長一人司馬牛羣所屬有掌廐都轄副轄隸殿前都點

檢司元中統四年設羣牧所至元十六年改尚牧監十

九年又改為太僕院二十年改為衛尉院二十四年罷院立太僕寺又別置尚乘寺以管鞍轡而太僕寺止管阿迪斯馬匹二十五年隸中書省置提調官二人大德十一年復改太僕院至大四年仍為寺卿二人少卿二人明洪武四年置羣牧監於達勒達錫里營所隨水草利便立官署專司牧養六年更置羣牧監於滁州旋改為太僕寺設卿少卿三十年置行太僕寺於北平後定都北京遂去行字其舊在滁州者改為南京太僕寺遂定

制卿一人少卿二人正德十一年增設少卿一人卿掌

牧馬之政令以聽於兵部少卿一人佐寺事一人督營

馬一人督畿馬

正統中孫緒為太僕卿時大司馬王德華文結錢寧移文太僕語涉不遜緒以

書數之德華引咎又淮安鳳陽諸郡饑饉馬俱小弱緒察其故即與文允省費至於萬緡民賴之不破產者千餘家又金弼為太僕少卿慨然以馬政修舉為已任屢奉命督理虧耗自衛使郡守而下悉聽決無不畏法有順聖川者水草甘肥永樂中嘗牧馬蓄息天順初命弼往視築二城用養天閑之馬增二驛於中道以便往來

詔嘉納之

南京太僕寺卿一人少卿二人隆慶中罷少卿一

人弘治中張謙陞南京太僕寺卿一以正率下剗除積弊禁革貪污歲省費甚鉅尋奏馬政便民四事多見

施行又明時馬政之弊南畿苦賦北畿苦養嘉靖中田
濡為太僕寺卿奏請以額馬賦十之三其七以金代而
輸之北寺即有軍興以便宜召買使兩畿民力有所蘇
息上嘉其議行之後二十餘年山東河南相踵以請數
省民不困而兩寺有餘藏行太僕寺洪武三十年置於
常輸以給邊皆濡之力也

山西北平陝西甘肅遼東等處卿一人少卿一人掌各
邊衛所營堡之馬政以聽於兵部以時督察三歲一稽
比布按二司不得與有瘠損則聽兵部叅罰永樂四年
許令寺官按治所轄衛所鎮撫首領官苑馬寺又置
北直隸遼東平涼甘肅共四處卿一人少卿一人

掌六監二十四苑之馬政而聽於兵部凡苑視廣狹為三等上苑牧馬萬匹中苑七千下苑四千凡馬駒歲籍其監苑之數上於兵部以聽考課弘治十七年都御史楊一清奏行太僕苑馬二寺員缺簡選才望叅政副使補陞卿叅議僉事補陞少卿以振馬政

永樂中命楊砥簡閱北京郡縣

馬匹陞太僕寺卿明年兼苑馬寺卿砥率僚屬凡孳牧之法與民之利病悉條奏行之馬甚蕃息嘉靖中周仕以高州守薦為苑馬寺少卿在任三年諸所建置有裨馬政

丞唐置四人宋一人元二人明初置四人正統中又增

八人共十二人以一人領京衛一人領順德廣平二府
一人領開封衛輝彰德三府九人分領順天保定真定
河間永平大名濟南兗州東昌九府孳牧寄牧各馬匹
弘治六年罷四人正德九年復增一人專領寄牧之事
嘉靖八年又罷三人共六人分領三年更代而以寄牧
者令府州縣兼理隆慶三年又罷三人止設三人以一
人提督庫藏兼協理京邊二人分理東西二路馬政南
京太僕寺寺丞二人隆慶中罷一人行太僕寺寺丞無

定員苑馬寺寺丞無定員

主簿唐置二人宋置一人元祐三年罷之元置經歷一人知事一人照磨一人管勾一人明亦置主簿一人南京太僕寺及行太僕寺苑馬寺皆一人

乘黃署唐置令一人丞一人掌供車輅及馴馭之法宋車輅院掌乘輿法物鞍轡庫應奉御馬鞍勒遼南面官太僕寺有乘黃署金尚輦局置使副使掌承奉輿輦等事典輿都轄收支都監同監掌給受之事隸殿前都御

檢司元尚乘寺卿四人少卿二人丞二人掌上御鞍轡輿輦等事明御馬監以宦官掌之掌印監督提督太監各一員騰驤四衛各設監官

典廐署唐置令二人丞四人掌飼馬牛給養雜畜宋置致遠務掌分養雜畜以供負載遼北面官有某羣太保某羣侍中某羣敎史總典羣牧部籍使羣牧都林牙羣牧使羣牧副使各路羣牧使司諸處馬牛羣司掌牧牛馬之政令金尚廐局

詳見前

元尚乘寺兼掌阿迪斯羣牧

騎馬驢騾之政明良牧署典署一人署丞一人錄事一人掌牧牛羊豕蕃育並鵝鴨鷄皆籍其牝牡之數而課孳卵焉隸上林苑

典牧署唐置令三人丞六人掌諸牧雜畜給納及酥酪脯腊之事宋牛羊供應所掌牧大中小祀之牲牷乳酪院掌供造酥酪屬光祿寺元尚舍寺太監二人少監二人監丞二人掌牧養駱駝及供進愛蘭乳酪屬宣徽院明孳牧所大使一人副使一人掌牧養雜畜屬光祿寺

車府署及諸牧監唐以後歷代皆不置

大理卿

正監

丞寺副附主簿

獄丞

司直

評事

唐置大理寺卿一人少卿二人掌折獄詳刑凡罪抵流

死皆上刑部覆於中書門下

建中初蔣沅為大理寺卿時帝幸奉天沅奔赴行在

為賊侯騎所拘欲以偽職誘之因絕粒稱病潛竄閭里問京師平首蒙旌擢長慶時王正雅為大理卿會宋申錫事起獄自內出卒無證驗是時王守澄鄭注權勢正盛雖宰相重臣無敢顯言其事者惟正雅與京兆尹崔綰上疏請出造事者付外考驗其事別具狀聞由是申錫止於貶官中外翕然推重之又張仁愿為大理卿隰州刺史王澈犯贓朝廷以功臣子欲宥之仁愿執奏竟遣伏法議者賞之

宋初置判寺一人

兼少卿事一人建隆三年以工部尚書竇儀判寺事

竇儀

判大理寺奉詔重定刑統援引律疏勅格叅酌重輕增為三十卷尤為詳備太祖嘉之

凡獄訟之

事隨官司決劾本寺不復聽訊但掌斷天下奏獄送審

刑院詳訖同署以上於朝元豐時帝以國初廢大理獄

非是以問孫洙洙對合旨遂命官起寺十七日而成至

官制行置卿一人少卿二人手詔大理寺近舉鑒典俾

治獄事宜依推制院及御史臺例不供報糾察司三年

詔依舊供報及詔糾察司察訪本寺斷徒以上出入不

當者索案點檢

時向敏中判大理寺有以沒入祖吉贓錢分賜法吏敏中引鍾離意委珠事獨

不受又大理寺奏治獄帝顧輔臣曰棘寺當得剛正如李浩者為之已而大理卿闕帝曰無過李浩遂除大理卿故事寺獄空上表賀浩獨不奏紹興中秦檜矯詔下岳飛於大理獄大理卿薛仁輔寺丞李若樸何彥猷皆言其無罪遼聖宗統和十二年南面官置大理寺有提點大

理寺大理正等官金海陵天德二年置大理寺卿少卿掌檢斷刑名元世祖至元二十年置大理寺掌領舊州城及畏吾兒之居漢地者有詞訟則聽之二十二年改為大都護府置大都護四人同知二人副都護二人廢

大理不置明大理寺卿一人左右少卿各一人掌審讞

平反刑獄之政令

正統中王振問楊士奇等吾鄉誰可為大臣者皆薦薛瑄召為大理右少

卿士奇以用瑄出振意欲瑄一見振瑄正色曰安有授官公朝而拜私門者耶時人呼瑄為薛夫子後忤王振下獄振老奴伏竈下抱薪而泣人問之曰聞欲殺薛夫子故泣耳振心動乃免天順中王柴遷大理卿出入十年凡兩法司及畿藩讞奏參錯情法多所平反時吏諳律例者類多深刻柴獨持平允濟以長美

南京大

理寺卿一人

憲宗成化中夏時正為南京大理卿七年歲大祲巡視江西斤貪墨吏草沉徑理庾

賦放無名之稅勸民出粟七十萬石賑饑長河洞人叛單車撫定疏時弊二十事當路人不悅遂致仕歸

正唐置二人凡丞斷罪不當則以法正之宋亦二人元

欽定四庫全書

豐五年刑部奏定凡斷案先上正看詳當否論難改正
然後上於長貳遼金皆有之明左右二寺各寺正一人
寺副二人各隨其所轄而覆審之情罪允服始呈堂具
奏南京大理寺左右寺正各一人

丞唐置六人分判寺事宋置推丞四人斷丞六人

天聖中石

延年為大理丞上書陳十策乞選練兵甲言西夏必叛
朝廷不以為然及元昊反帝思其言乃召見乞奉使河
東籍兵回稱旨帝甚喜之紹興二十六年帝以大理丞
理寺宜叅用士人乃除河涇楊邦弼為大理丞
皆有之明左右寺丞各一人南京右寺丞一人
遼金

主簿唐置二人宋元豐中始置二人建炎三年省後復金置知法十一人明法二人明置司務二人

獄丞唐置二人宋元豐官制行置大理獨丞四人遼金元明皆無

司直唐置六人宋因之金置四人明無

評事唐置八人宋元豐官制行始命張仲穎等十二人為評事隆興二年詔大理評事以八員為額金置三人掌司司直明置左右寺評事各四人南京大理寺左右

評事各三人隆慶三年革左右評事各一人

監自唐以後歷代皆無



欽定續通典卷二十九

欽定四庫全書

史部

欽定續通典卷三十

詳校官監察御史_臣曹錫寶

洗馬_臣王坦修覆勘

校對官編修_臣陳萬青

謄錄監生_臣蔡階武

欽定四庫全書

欽定續通典卷三十

職官

諸卿中

鴻臚寺

丞
班附

主簿

典客署

司儀署

鳴贊序

唐鴻臚寺卿一人少卿二人凡四國君長以番望高下

為簿朝見凡大臣喪葬則本寺官贊相之示以禮制

肅宗

至德初西域朝貢及安西北庭校吏歲集京師者數千人隴右既陷不得歸皆仰給鴻臚禮賓月四萬緡凡四

十年養子孫如編民至德宗建中時擢王錡為鴻臚少卿遂悉以隸名王以下幾及四千人其所畜馬二千皆

停給

宋初置判寺事一人以朝官以上充官制行置卿一

人少卿一人卿掌四方朝貢宴勞給賜送迎之事及國

之凶儀中都祠廟道釋籍帳涂附之禁令少卿為之貳

高宗建炎後罷鴻臚寺併入禮部

真宗景德中戚綸判鴻臚寺綸以三公尚

書九列之任唐末以來有司漸繁綱目不一宜采通禮六典令式比類沿革著為大典時論稱之

遼北

面官有客省局使副使等官南面官客省有都客省

興宗

重熙十年以回鶻

客省使

太宗會同五年以耶律華格為客省使

左客省

使

穆宗應歷中以蕭和斯為左客省使

右客省使客省副使等官南面官鴻

臚寺亦置卿少卿金不設鴻臚寺有客省使副使掌接
伴人使見辭之事引進使副使掌進外方人使貢獻禮
物事內承奉班押班掌總率本班承奉之事御院通進
四員掌諸貢獻禮物及薦享編位次序屬宣徽院元不
設鴻臚寺有侍儀司會同館屬禮部廩給司屬通政院
其侍儀司掌外國朝覲之禮世祖至元八年始置左右
侍儀奉御二人禮部侍郎知侍儀事一人引進使知侍

儀事一人左右侍儀使二人左右直侍儀使二人左右侍儀副使二人左右侍儀僉事二人引進副使侍儀令各一人以後增損不一英宗至治元年定置侍儀司四人引進使知侍儀事二人通事舍人十六人侍儀舍人十四人會同館領館事一人大使一人副使二人掌接伴引見諸蕃蠻及峒官之來朝貢者成宗元貞元年以禮部尚書領館事遂為定制廩給司提領一人司令一人司丞一人掌諸王諸蕃各省四方邊遠使客飲食供

帳等事明初置侍儀司太祖洪武四年定侍儀使引進使品秩俱為七品以下官十三年改使為司正分左右司副各一人二十二年增設左右司丞四人三十年改為鴻臚寺卿一人左右少卿各一人掌朝會賓客吉凶

儀禮之事

英宗復辟後擢楊宣為鴻臚少卿凡朝廷宴饗朝賀大禮皆出職掌宣修幹美髯奏對明

暢日見寵遇憲宗立陞鴻臚卿時荆襄叛寇劉千斤伏誅戎帥械繫餘黨多誤陷于辜者宣亟上章論救大要破重人命謹天戒詞甚婉切有詔法曹詳鞠竟得矜宥又施純陞鴻臚寺卿純習禮度每旦侍朝為磬折狀甚恭特蒙寵眷擢禮部侍郎未幾陞尚書加太子太保純長身偉然表出羣類不十數年驟登峻秩前此未有也

南京鴻臚寺卿一人

世宗嘉靖間胡森為南京鴻臚寺卿以局間事省減去直役談說理

學講明

國是

丞唐置三人宋置二人明左右寺丞各一人

主簿唐置一人宋因之明亦置一人

典客署唐置令一人丞三人掌二王後及四方歸化在

藩者朝貢送迎皆預焉宋置往來國信所掌大遼使介

交聘之事都亭西驛及管幹所掌河西番部貢奉之事

禮賓院掌回鶻吐蕃党項女貞等國朝貢館設及互市

驛語之事懷遠驛掌南番交州西番龜茲大食于闐甘
沙宗格等國貢奉之事皆唐典客署之職建炎後廢鴻
臚寺並歸禮部遼金元無典客署明司賓署署丞一人
典外國朝貢之使辨其等而教其拜跪儀節

司儀署唐置令一人丞一人掌凶禮喪葬之具宋以後
皆不置明司儀署署丞一人掌吉凶禮之事

鳴贊明置四人掌贊儀禮凡內贊通贊對贊接贊傳贊
咸職之

序班明置五十人掌侍班齊班糾儀及傳贊

司農卿

丞

主簿

上林署

太倉署

鈎盾署

導官署

苑總監

諸倉監

司竹監

溫泉湯監

諸屯監

驛粟都尉等官

典農中郎將等官

唐司農寺卿一人少卿二人掌倉儲委積之事

憲宗元和

劉累官司農卿時帝寢疾宜豎或妄議廢立者穆宗問計于劉答曰殿下為太子當朝夕視膳何外慮乎時稱得元舅體文宗太和中杜中立以駙馬都尉遷司農卿繩吏急反為中傷左徙慶王傳久之復拜司農卿入奏帝曰卿用法深信乎對曰殿下有司養名不肯苛事如司農尤叢劇陛下無信流言假臣數月當諸弊肅清帝許之向例度支度六宮餐錢移司農司農季一出付吏大吏盡舉所給于人權其子母以給之既不以時黃門

來督責慢罵杜中立為司農卿取錢納帑
舍率五日一出吏不得為姦後遂以為法
宋初司農寺

置判寺事二人以兩制朝官以上充神宗熙寧二年置
制置條例司立常平斂散法遣諸路提舉官推行之三
年詔制置司均天下之財以常平新法付司農寺而農
田水利免役保甲等法悉自司農講行以太子中允呂
惠卿判司農寺改同判寺胡宗愈為兼判官制行寺監
不治外事司農事舊職務悉歸戶部右曹置卿一人少
卿二人卿掌倉儲委積之政令總苑囿庫務之事而謹

其出納天子有事親耕則奉耒耜少卿為之貳建炎三年罷司農寺以事務併隸倉部紹興四年復置寺仍置

卿少卿

時新法行鬻河渡坊場司農併斤賣天下祠廟

宋闕伯微子廟皆為賈區張方平上言宋王業所基闕伯封于商邱以主大火微子為始封之君是二祠者亦不得免于帝震怒批牘尾曰慢神辱國莫甚于此于是天下祠廟皆得不鬻考宗隆興中李浩自台州除司農少卿時朝廷和糴米八萬董其事者賤糴濕惡隱尅官錢戶部不敢詰浩白發其姦下有司窮究戶部欲就支稽見數大理附會之浩爭曰非但惠姦且虧軍實上是其言又李椿除司農卿椿會大農歲用米百七十萬斛而省倉見米僅支一二月歎曰真所謂國非其國矣力請歲除二百

遼南面官有司農寺置卿少卿等

萬斛為一年之蓄

官金宣宗興定六年置司農司設兼採訪公事大司農
一人卿三人少卿三人于陝西河南置行司農司哀宗
正大元年又于歸德許州置行司農司各設卿少卿等
官凡卿以下各出巡按察官吏臧否而陞黜之使節所
過姦吏屏息數年之間民政修舉實賴其力元至元七
年始置大司農司設官五人凡農桑水利學校饑荒之
事悉掌之十四年罷以按察司兼領勸農事十八年改
立農政院置官六人二十年又改立務農司置達魯噶

齊一人務農使一人同知二人是年又改為司農寺達
魯噶齊一人司農卿二人二十三年仍改為大司農司
成宗大德元年增領大司農寺一人仁宗皇慶二年增
大司農一人繼又定置四人大司農卿二人少卿二人

至元中張文謙拜大司農卿奏立諸道勸農使巡行勸
課請開籍田祭先農先蠶時阿哈瑪特專政議拘民間
鐵官鑄農器高其價以配民文謙于帝前極論罷之又
董文用為大司農時欲以民田為屯田文用固執不可
乃順帝至正十三年置分司農司命中書右丞烏蘭哈
達左丞烏克遜良楨兼大司農卿給分司農印西自西

山南至保定河間北至檀順州東至遷民鎮凡係官地及元管各處屯田悉從分司農司立法募民耕種明初置司農司設卿少卿等官尋即罷洪武三年復置司農司開治所于河南設卿一人少卿一人四年又罷之悉以其所掌歸戶部

丞唐置六人總判寺事宋熙寧五年置丞四人元豐四年省三人建炎三年罷司農寺不設丞紹興三年復設丞二人凡有合行事務由戶部施行

熙寧中熊本判司農寺丞帝嘉其績

謂廷臣曰熊本不傷財不害民一旦去百年之惠深可嘉也又王覲由司農寺主簿轉丞時以司農為要官進用者多由此選覲拜命一日即求外用入服其恬退又葉顥為司農寺丞在朝三年非公事未嘗至丞相府樞密王綸知其恬退而未知其德性一日官誥院失錦令治之顥請寬慢藏之罪于是綸大喜謂其客曰葉寺丞介而通嚴而恕真重器也金置行司農司丞一人元至元二十年置

司丞一人皇慶二年改置大司農丞一人明洪武三年置司農丞四人四年罷之

主簿唐置二人宋初置六人元豐四年減三人哲宗元祐五年以本寺主簿兼檢法尋皆罷紹興十年復置隆

興元年省罷二年詔復舊制金不設元亦不設有經歷
一人都事二人明洪武三年設寺有主簿二人四年罷
之

上林署唐置令二人丞四人掌苑園池植果蔬以供
朝會祭祀及尚食諸司常料藏冰啓冰之事宋園苑官
無常員以三司判官內侍都知諸司使以上充玉津瓊
林宜春瑞聖四苑官掌種植蔬蒔以待供進修飭亭宇
以備遊幸宴設金章宗泰和八年置上林署提點及丞

直長等官掌諸苑園池沼種植花木果蔬及承奉行幸
舟船之事又置都監同監等官掌花木局事皆屬工部
不隸司農司元至元二十四年置上林署令一人丞一
人直長一人掌宮苑栽植花卉供進蔬果種苜蓿以飼
駝馬備煤炭以給營繕又置養種園提領二人花園管
勾二人苜蓿園提領三人皆屬大都留守司不隸司農
明洪武二十五年議開上林苑度地城南自牛首山接
方山西並河涯圖上太祖謂有妨農事乃上成祖永樂

五年始置上林苑監設良牧蕃育嘉蔬林衡川衡冰鑑
及典察左右前後十屬署仁宗洪熙中併為蕃育嘉蔬
二署宣宗宣德十年始定四署置左右監正各一人掌
苑囿園池牧蓄樹種之事左右監副各一人左右監丞
各一人其良牧蕃育林衡嘉蔬四署各典署一人署丞
一人錄事一人正德中增設監督內臣九十九人嘉靖
元年裁汰八十人並罷蕃育嘉蔬二署典署林衡嘉蔬
二署錄事

太倉署唐置令三人丞五人監事八人掌廩藏之事宋元豐中以京城二十五倉屬司農每倉設監官以京朝官及三班使臣充官吏軍兵祿食及綱運受納封樁支用月具數以報司農紹興後又置豐儲倉置監官一人監門官二人金制府庫倉廩積貯之事以戶部員外郎掌之又太倉使副使掌九穀廩藏出納之事屬太府監不隸司農司元京都二十二倉各倉置監支納一人大使二人副使二人皆屬戶部不隸司農寺明永樂中遷

都北京置京倉及通州諸倉以戶部司員經理之宣德五年始命李昶為戶部尚書專督其事遂為定制以後或尚書或侍郎俱不治部事專理糧儲

鈎盾署唐置令二人丞四人監事十人供薪炭鵞鴨蒲萑陂池藪澤之物以供祭祀朝會燕饗賓客宋置柴炭庫炭場掌儲薪炭以給宮城及百司之用金章宗明昌三年改鈎盾署為典給署有令丞直長等官掌宮中所用薪炭冰燭屬太府監元柴炭局置提領一人大使一

人副使一人掌薪炭以供用屬內宰司不隸司農寺又
置內正司卿四人少卿二人丞二人掌孳畜內產之儲
以供膳服備賜屬中政院亦不隸司農明初以尚書侍
郎提督易州山廠掌督御用柴炭之事至嘉靖八年改
設主事管理

導官署唐置令二人丞四人監事十人掌導擇米麥及
油燭之事宋都麴院掌造麴以供內庫酒醴之用水磨
務掌水碓磨麥以供尚食及內外之用金儀鸞局掌御

前所用香燭之事

官職詳見前

元司農司有供膳司置提點

一人司令一人丞一人掌供給應需貨買百色生料油
戶提領一人大使一人副使一人歲辦油十萬斤以供
內庖又醴源倉提舉一人大使一人副使一人掌受香
莎蘇門等酒材糯米鄉貢麴藥以供上醞又尚食局置
提點一人大使一人副使一人掌出納油麴諸物皆屬
宣徽院不隸司農司明供膳之事皆歸光祿寺不專設
官

苑總監唐置每宮苑監一人副監一人丞二人主簿二人掌苑內宮館園池禽魚果木之事宋苑囿官無常員

詳見上林署

金北太一宮同樂園管勾二人掌守宮園繕修

之事其各花園置小都監一人各宮苑置使一人元尚供總管府達嚕噶齊一人總管一人同知一人副總管一人判官一人掌守護東涼亭行宮及遊獵供奉之事明苑囿事悉掌于上林苑監

諸倉監唐各倉設監一人丞二人掌倉廩儲積出納之

事宋鎮江建康諸倉各置監官金諸倉置監支納使副
使等官掌倉廩畜積受納租稅支給祿廩之事元諸倉
官詳見前太倉署門明京倉皆總于戶部
司竹監溫泉湯監唐以後皆不置

諸屯監唐置監一人丞一人掌營種屯田勾會之事宋
遼金皆無是官元中衛右衛左衛前衛後衛有都指揮
使副都指揮使僉事等官掌宿衛扈從兼屯田每衛皆
置屯田左右千戶所二置達魯噶齊二員或一員千戶

二員百戶四十員彈壓二員又有武衛親軍都指揮使
司掌修治城隍及京城內外工役兼大都屯田等事所
屬有屯田千戶所六達魯噶齊一員千戶六員百戶六
十員彈壓六員又有左右翼屯田萬戶府二分掌鄂端
巴實伯里迴還漢軍及大名衛輝新附之軍并迤東迴
軍合為屯田兩府各置達魯噶齊各一員萬戶各一員
副萬戶各一員經歷各一員知事各一員又有左衛率
府屯田千戶所三置達魯噶齊三員千戶三員百戶三

員彈壓三員又有右阿蘇衛親軍都指揮使司掌宿衛
城禁兼營潮河蘇沽兩川屯田供給軍儲至元九年初
立阿蘇巴圖達嚕噶齊置屬官二十三年遂名為阿蘇
之軍至大二年改立右阿蘇衛親軍都指揮使司置達
嚕噶齊三員都指揮使三員副都指揮使二員僉事二
員四年省達嚕噶齊三員後定置達嚕噶齊一員都指
揮使三員副都指揮使二員僉事二員經歷二員知事
二員承發架閣照磨一員左阿蘇衛親軍都指揮使司

職掌同右阿蘇衛設官略同又有延安屯田打捕總管府管析居放良人戶并烏蘭濟蘇田地北來蒙古人戶至元十八年始設定置達魯噶齊一員總管一員同知一員經歷知事各一員其屬官打捕屯田官一十二員大寧海陽等處屯田打捕所掌北京平灤等路析居放良布呼齊等戶至元二十二年置總管府元貞元年罷總管府置打捕所定置達魯噶齊一員長官一員又忠翊侍衛親軍都指揮使司所屬有屯田左右手千戶所

二翼達嚕噶齊一員千戶二員百戶四十員彈壓四員
又宗仁蒙古侍衛親軍都指揮使司所屬有屯田千戶
所千戶四員百戶四十員彈壓四員又奇圖噶萬戶府
所屬有洪澤屯田千戶趙國宏翼達嚕噶齊一員千戶
一員副千戶一員百戶一十四員彈壓二員凡各衛屯
田之官悉屬樞密院不隸司農寺又右欽察衛所屬有
屯田千戶所二置達嚕噶齊二員千戶二員百戶二十
員彈壓二員左欽察衛所屬屯田千戶所一翼達嚕噶

齊一員千戶一員百戶十員彈壓一員龍翊侍衛親軍都指揮使司所屬屯田一翼欽察千戶所達魯噶齊一員千戶一員百戶二十二員彈壓二員皆屬大都督府不隸司農寺其隸司農司者唯永平屯田總管府置達魯噶齊一員總管一員同知一員知事一員至元二十四年始立於永平路南馬城縣以北京採木三千人隸之所轄昌國濟民豐贍三署各置署令一員署丞一員又有左都威衛使司屯田左右千戶所二千戶二員都

目一員百戶每所二十員彈壓一員右都威衛使司屯田千戶所一百戶七員餘設官同明無專管屯田之官驄粟都尉及典農中郎將等官唐以後皆無

太府卿

丞署

主簿

諸市署

平準署

左右藏

唐制太府寺卿一人少卿二人掌財貨廩藏貿易總京都四市左右藏常平七署凡四方貢賦百官俸秩謹其出納賦物任土所出定精粗之差祭祀幣帛皆供焉宋初置判寺事一人以兩制或帶職朝官充同判寺一人

以京朝官充凡廩藏貿易四方貢賦百官俸給時皆隸三司本寺但掌供祭祀香幣帨巾神席及校造升斗衡尺而已元豐官制行始正職掌置卿少卿各一人卿掌邦國財貨之政令及庫藏出納商稅平準貿易之事少卿為之貳凡四方貢賦之輸于京師者辨其名物視其多寡別而受之儲于內藏者以待非常之用頒于左藏者以供經常之費凡官吏軍兵奉祿賜予以法式頒之先給歷從有司檢察書其名數鈎覆而後給焉供奉之

物則承旨以進審奉得畫乃聽除之若春秋授軍衣則前期進樣定其頒日畿內將校營兵支請月具其數以聞凡商賈之賦小賈即門征之大賈則輸于務貨之不售者平其價鬻于平準乘時賒貸以濟民用若質取于官則給用多寡各從其抵歲以香茶鹽鈔募人入豆穀實邊即京都闕用物預報度支凡課入以盈虧定課最行賞罰大祀晨裸則卿置幣奠玉則入陳玉帛餘祀供其帨巾元祐初以倉部郎官印發文鈔三年復歸本寺

五年詔長貳每月分巡庫務遼南面官置太府監有太監少監監丞主簿等官金太府監置監少監等官掌出納邦國財用錢穀之事元太府監太卿六人太監六人少監五人掌錢穀出納之數至元四年為宣徽太府監凡內府藏庫悉隸焉大德九年改為院武宗至大四年始定為太府監明無太府監

丞唐置四人掌判寺事凡元日冬至以方物陳于庭者受而進之會賜及別敕六品以下賜者給于朝堂以一

人主左右藏署帳凡在署為簿在寺為帳三月一報金部宋置二人掌參領寺事哲宗元符元年增置一人徽宗崇寧中因置藥局七所再增一人點檢宣和三年減罷金置二人元置五人

主簿唐置二人掌印省鈔目勾檢稽失平權衡度量歲以八月印署然後用之宋置二人金無之元置經歷一人知事一人照磨一人

諸市署唐置兩京諸市署令一人丞二人掌財貨交易

度量器物辨其真偽輕重市肆皆建標築土為候禁權固及參市自殖者宋置都提舉市易司掌提點貿易其上下界及諸州市易務雜買務雜賣場皆隸焉其市易上界掌斂市之不售貨之滯于民者乘時貿易以平百物之直市易下界掌飛錢給券以通邊糴雜買務掌和市百物凡宮禁官府所需以時供納雜賣場掌受內外幣餘之物計直以待出貨或準折支用權貨務掌折博斛斗金帛之屬交引庫掌給印出納交引錢鈔之事抵

當所掌以官錢聽民質取而濟其緩急和濟局惠民局
掌修合良藥出賣以濟民疾店宅務掌管官屋及邸店
計置出儼及修造之事石炭場掌受納出賣石炭香藥
庫掌出納外國貢獻及市舶香藥寶石之事遼無市署
之官金置市買司有使副使等官掌收買宮中所用果
實生料諸物又置權貨務有使副使等官賞發賣給隨
路香茶鹽鈔引交鈔庫有使副使判官都監等官掌諸
路交鈔及檢勘錢鈔換易收支之事印造鈔引庫有使

副使判等官掌監視印造勘覆諸路交鈔鹽引兼提控抄造鈔引紙鈔紙坊有使副使判等官交鈔庫物料場官掌收支交鈔物料又有隨處交鈔庫使凡上京西京北京東平大名益都咸平真定河間平陽太原京兆平涼廣寧等府瑞蔚平清通順薊等州皆設焉皆屬戶部不隸太府監元置大都宣課提舉司掌諸色課程併領京城各市其官有提舉二人同提舉一人副提舉一人亦屬戶部不隸太府監

平準署唐署令二人丞四人掌官市易宋遼皆無是官
金平準務有使副使勾當官等官屬戶部不隸太府寺
元明亦無是官

左右藏署唐置左藏署令三人丞五人掌錢帛雜綵天
下賦調卿及御史監閱右藏署令二人丞三人掌金玉
珠寶銅鐵骨角齒毛綵畫宋左藏東西庫掌四方財賦
之入以待邦國之經費給官吏軍兵俸祿賜予舊分南
北兩庫徽宗政和六年修建新庫以東西庫為名又西

京南京北京各置左藏庫又內藏庫掌受歲計之餘積
以待邦國非常之用奉宸庫掌供內庭凡金玉珠寶良
貨賄藏焉祇候庫掌受錢帛器皿衣服以備傳詔班給
及殿庭賜予元豐庫掌受諸路積剩及常平錢物凡封
樁者皆入焉布庫掌受諸道輸納之布辨其名物以待
給用茶庫掌受江浙荆湖建劔茶茗以給翰林諸司及
賞賚出鬻雜物庫掌受內外雜輸之物以備支用遼內
藏庫有內藏庫提點屬內省

道宗清寧元年見內藏庫提點耶律烏爾古

金

左藏庫有使副使等官掌金銀珠玉寶貨錢幣右藏庫有使副使等官掌錦帛絲絲毛褐諸道常課諸色雜物又有支應所都監二人掌宮中出入御前支賜金銀幣帛元左藏有提點四人大使二人副使二人掌收支常課和買紗羅布絹絲絲絨鋪木絲錦陳衣服諸物右藏有提點四人大使二人副使二人掌收支金銀寶鈔濟遜緞疋水晶瑪瑙玉璞諸物內藏庫提點四人大使二人副使二人至元二年置署上都十九年始署大都以

宦者領之復有行內藏二十八年省之明寶鈔廣惠庫
大使一人副使二人廣積庫大使一人副使二人典史
一人贓罰庫大使一人副使二人甲字乙字丙字丁字
戊字庫大使五人副使六人廣盈庫大使一人副使二
人外承運庫大使二人副使二人承運庫大使一人副
使一人行用庫大使一人副使一人太倉銀庫大使一
人副使一人皆隸戶部其內府供用庫及內承運庫甲
字乙字丙字丁字戊字承運廣盈廣惠等庫皆以宦官

掌之

詳內侍
省門

常平署唐置令一人丞二人掌平糴倉儲出納宋以常
平新法付司農寺熙寧二年立常平斂散法遣諸路提
舉官推行之其提舉常平司掌常平義倉免役市易坊
場河渡水利之法視歲之豐歉而為之斂散以惠農民
凡役錢產有厚薄則輸有多寡及給利祿亦視其職役
之重輕難易以為之等商有滯貨則官為斂之復售于
民以平物價皆總其政令仍專舉刺官吏之事立法之

初先遣官提舉河北陝西路常平未幾諸路悉置提舉
官元祐初罷之併其職于提點刑獄司紹聖初復置元
符以後因之遼金無專管常平之倉官元至元六年始
置常平倉于路府其法豐年米賤官為增價糴之歉年
米貴官為減價糴之八年以和糴糧及諸河倉所撥糧
貯焉二十三年定鐵法又以鐵課糴糧充馬皆隨路府
以隸于有司不設專管明嘉靖初諭德顧鼎臣奏言成
弘時每年以存留餘米入預備倉緩急有備今秋糧僅

足兌運預備無粒米一遇災傷輒奏留他糧及勸富民
借穀以應故事乞急復預備倉糧以裕民帝乃命有司
設法多積米穀仍做古常平法春賑貧民秋成還官不
取其息府積萬石州積四五千石縣二三千石為率既
又定十里以下萬五千石累而上之八百里以下至十
九萬石其後積粟盡平糶以救濟貧民儲積漸減自隆
慶至萬厯其數益減然皆掌于有司不設專官

秘書監

丞

佐郎 秘書郎

校書郎 校書郎

正字

著作郎

唐置秘書省監一人專掌經籍圖書之事少監二人為

之貳

元和中李益為故宰相揆族子素長于詩每一篇成樂工爭取之憲宗雅知益名召為秘書少監

宋置秘書省監一人少監一人掌古今經籍圖書及國

史實錄天文歷數之事歲于仲夏曝書尚書學士侍郎

待制兩省諫官御史並赴大典禮則長貳預集議所以

待遇儒臣非他司比宴設賜予率循故事

孝宗淳熙五年帝幸秘書

省御製詩一首賜宰臣史浩以下秘書監陳騌少卿陳丙賜紫章服

遼南面秘書監有太

監少監金秘書監有監一人少監一人掌經籍圖書元

秘書監卿四人太監二人少監二人掌歷代圖籍并陰

陽禁書

秦定初虞集遷秘書少監天子幸上都以講臣多高年命集與集賢學士王結執經以從行經

筵之制取經史中切于心德治道者用國語漢文兩進讀潤譯之際每選一時精于其學者為之猶數日乃成一篇集為反覆以通之然後得以無悞又李孝光隱居雁宕山五峰下四方之士遠來受學名譽日聞至正七年詔徵隱士以秘書監著書郎召赴京師見于宣文閣進孝經圖說帝大悅賜上尊明年陞秘書監

明洪

武三年置秘書監除監丞一人直長二人尋定設令一

人丞直長各二人掌內府書籍十三年并入翰林院典

籍遂不復設秘書監

丞唐置一人宋置一人參領省事

太宗淳化初冠準掌選薦錢若水等五人

文學高第名試翰林若水最優擢秘書丞直史館

遼南面秘書監有監丞金亦

置丞一人元置監丞二人皆用大臣奏薦選世家名臣子弟為之

秘書郎唐置三人掌四部圖籍以甲乙丙丁為部皆有
三本一曰正二曰副三曰貯凡課寫功程皆分判宋置
二人掌集賢院史館昭文館秘閣圖籍以甲乙丙丁為
部各分其類

孝宗淳熙元年朱熹始拜命帝欲獎用廉退以勵風俗龔茂良行相事以熹名進除

秘書郎

遼南面秘書監有秘書郎金秘書郎二人元置一

人

秘書校書郎唐置八人宋置四人

淳熙中鄭鑑召試館職帝問今合除何官

龔茂良曰前此學官召試止除正字帝曰可除校書郎賞其畫言又王雲舉進士從使高麗撰雞林志以進擢

秘書省校書郎又李宗諤宰相助子也七歲能為文恥以父任得官獨由鄉舉第進士授校書郎又李淑參知政事若谷子也年十二真宗幸蜀獻文行在所帝奇之命賦詩賜童子出身試秘書省校書郎

秘書監有校書郎

統和中楊信為校書郎

金校書郎一人章宗承

安五年置二人泰和五年以翰林院官兼衛紹帝大安

二年減一人專掌校勘在監文籍元置二人掌辨驗書

畫

秘書正字唐置四人掌校讐典籍刊正文字宋置二人

太宗雍熙初楊億年甫十一帝聞其名詔江南轉運使張去華就試詞藝送闕下連三日得對試詩賦五篇下筆立成帝深加獎異宰相削草為賀翌日下制曰汝方髫髻不由師訓精爽神助文字生知越長絕塵一日千里予有望于汝也即授秘書省正字又周必大紹興二十年第進士中博學宏詞科召試館職帝讀其策曰掌制手也授秘書省正字又洪适皓長子也與弟邁同中博學宏詞科後三年弟邁亦中是選由是三洪名滿天下改秘書省正字遼亦有正字聖宗開泰元年金無正字元亦見正字李萬

無之置直長一人

著作局郎著作佐郎唐各置二人宋置著作郎一人著

作佐郎二人掌修纂日歷遼亦有著作郎著作佐郎

和統

十一年揚哲
為著作佐郎

金熙宗皇統六年設著作局置著作郎一

人著作佐郎一人編修日歷以學士院兼領之

世宗大
定中孟

宗獻發解第一是歲宗獻府試省試廷試皆第一號孟
四元故事狀元官從七品階承務郎世宗以宗獻獨異

等與從六品
改著作郎

元著作郎二人著作佐郎二人其著作局

唯唐設校書二人正字二人唐以後皆統于秘書省不

復別置

太史局令至唐改為司天監設監一人少監二人掌察天文稽歷數凡日月星辰風雲氣色之異率其屬而占肅宗乾元元年改曰司天臺藝術人韓穎劉烜建議改令為監置通元院及主簿置五官監候及五官禮生十五人掌布諸壇神位其通元院以藝學召至京師者居之凡天文圖書器物非其任不得與焉每季祿祥書送門下中書省紀于起居注歲終上送史館歲頒歷于天

下其屬有春官夏官秋官冬官中官正各一人掌司四時各司其方之變異冠如一星珠以應五緯衣從其方色元日冬至朔望朝會及大禮各奏方事而服以朝見五官保章正二人五官監候三人五官司歷二人掌歷法及測景分至表準五官靈臺郎各一人掌候天文之變五官挈壺正二人五官司農八人漏刻博士六人掌知漏刻凡孔壺為漏浮箭為刻以考中星昏明更以擊鼓為節點以擊鐘為節

宋初置司天

監設官有監少監

其屬有春官正夏官正秋官正冬官正中官正靈臺郎保章正挈壺正各

一元豐官制行罷司天監立太史局隸秘書省其官有令有正掌測驗天文考定歷法凡日月星辰風雲氣候祥眚之事日其所占以聞歲頒歷于天下則預造進呈

祭祀冠婚及大典禮則選所用日

其屬有春官正夏官正秋官正冬官正中

官正丞直長靈臺郎保章正等官

遼南面官司天監有太史令

其屬有司歷靈

臺郎挈壺正五官正丞主簿五官靈臺郎保章正司歷監候挈壺正司晨刻漏博士典鼓二人等官

金司

天臺有提點監少監掌天文歷數風雲氣色密以奏聞

其屬有教授司天管勾等官

元司天監提點一人司天監三人少監

五人掌凡歷象之事

其屬官有提學二人教授二人學正二人天文科管勾二人算歷科

管勾二人三式科管勾二人測驗科管勾二人漏刻科管勾二人陰陽管勾一人押宿官二人司晨官八人中

統元年因金舊制立司天臺設官屬至元八年以上都承應闕官增置行司天監十五年別置太史院與臺並

立頒歷之政歸院學校之設隸臺二十
三年置行監二十七年又立行少監又有回回司天

監提點一人司天監三人少監二人掌觀象衍歷之事

其屬有教授一人天文科管勾一人算歷科管勾一人
三式科管勾一人測驗科管勾一人漏刻科管勾一人

又置太史院院使五人同知二人僉院二人同僉二人

院判二人掌天文歷數之事

其屬經歷一人都事一人
管勾一人春官正蕪夏官

正一人秋官正兼冬官正中官正一人保章正五人保
章副五人掌歷五入腹裏印歷管勾一人各省司歷十

二人印歷管勾二人靈臺郎一人監候六人副監候六
人星歷生四十四人挈壺正一人司晨郎二人燈漏直

長一人教授一人學正一人校書郎二人明洪武元年徵元太史張佑張沂

等十四人改太史院為司天監設監令少監監丞等官
又徵元回回司天監鄭阿里等議歷置回回司天監設
監令少監監丞等官三年改司天監為欽天監二十二
年改令為監正丞為監副三十一年罷回回司天監以
其歷法隸本監置監正一人監副二人掌察天文定歷
數占候推步之事凡日月星辰風雲氣色率其屬而測
候焉有變異密疏以聞凡習業分四科曰天文曰漏刻
曰回回曰歷自五官正下至天文生陰陽人各分科肄

業每歲冬至日呈奏明歲大統歷移送禮部頒行其御

覽月令歷七政躔度歷六士遁甲歷四季天象錄並先

期進呈

其屬主簿一人春官正夏官正秋官正冬官正
中官正各一人五官靈臺郎八人五官保章正

二人五官挈壺正二人五官監候三人五官
司歷二人五官司晨八人漏刻博士六人南京欽天

監監正一人監副一人

其屬主簿一人五官正一人五官
靈臺郎二人五官監候一人

五官司

歷一人

丞唐置二人宋遼皆有之金設判官無丞元司天監丞
四人回回司天監監丞二人其太史院無丞明自洪武

二十二年改丞為監副後遂不設丞

殿中監

丞

尚食 尚輦等局

尚藥

奉御 尚衣

尚舍

尚乘

唐置殿中省監一人少監二人掌天子服御之事凡聽

朝率屬執繖扇列于左右大朝會祭祀則進爵行幸則

侍宋殿中省監一人少監一人掌供奉天子玉食醫藥

服御幄帟輿輦舍次之政令遼南面官殿中司隸御史

臺有殿中之官

開泰元年見殿中高可恒

金殿中省之職多領于殿

前都點檢司及宣徽院元亦不設殿中省置侍正府侍

正十四人同知二人參府二人侍判二人掌內廷近侍之事其屬經歷一人都事一人照磨一人明內廷近侍之事俱屬內侍不專設官不具載

丞唐置二人宋置一人遼亦有殿中丞

尚食局唐置奉御二人直長五人奉御掌儲供直長為之貳進御必辨時禁先嘗之饗百官賓客則與光祿視品秩而供凡諸陵月饗視膳乃獻宋尚食局有典御奉御等官掌膳羞之事遼南面官殿中司所屬亦有尚食

局奉御金尚食局屬宣徽院元尚食局亦屬宣徽院

俱詳

見光祿寺

明尚膳監掌于內府

尚藥局唐置奉御二人直長二人掌和御藥診視凡藥
供御中書門下長官及諸衛上將軍各一人與監奉御
涖之藥成醫佐以上先嘗疏本方具歲月日涖者署奏
餌日奉御先嘗殿中監次之宋尚藥有典御奉御等官
掌和劑診候之事遼北面官著帳戶司承應實達爾局
有湯藥實達爾金尚藥局御藥院屬宣徽院元明御用

藥物皆掌于太醫院

俱詳見太常寺太醫署

尚衣局唐置奉御二人直長四人掌供冕服几案祭祀則奉鎮圭于監而進于天子大朝會設案宋尚衣有典御奉御等官掌衣服冠冕之事遼南面官殿中司有尚衣局奉御金尚衣局有提點使副使都監直長同監等官掌御用衣服冠帶等事屬宣徽院元侍正府有尚衣奉御二人副奉御二人尚冠奉御二人副奉御二人尚鞞奉御二人副奉御二人尚沐奉御二人副奉御二人

明尚衣監掌于內侍

尚舍局唐置奉御二人直長六人掌殿庭祭祀張設湯沐燈燭汛掃行幸則設三部帳幕有古帳大帳次帳小次帳小帳凡五等各三部其外則蔽以排城大朝會設黼宸施躡席薰爐朔望設幄而已宋尚舍局有典御奉御等官掌次舍幄帟之事遼南面官殿中司有尚舍局奉御金儀鸞局提點等官或以少府監官兼或兼少府監

職掌詳衛尉司守宮署

元中尚監掌供內府陳設帳房帟幕車

輿雨衣之用

員額詳衛尉司守官署

明司設監掌于內侍

尚乘局唐置奉御二人直長十人掌內外閑廐之馬左

右六閑

一曰飛黃二曰吉良三曰龍媒四曰駒騄五曰駃騠六曰天苑

凡外牧歲進良

馬印以三花飛鳳之字飛龍廐日以八馬列宮門之外

號南衙立仗馬仗下乃退宋殿中省無尚乘寺凡御馬

皆掌于太僕寺遼南面官殿中司有尚乘局奉御金尚

廐局有提點使副使等官掌御馬調習牧養隸殿前都

點檢司元尚乘局專掌御馬

詳見太僕寺

明御馬監掌于內

侍

尚輦局唐置奉御二人直長三人尚輦二人掌輿輦繖
扇大朝會則陳于庭大祭祀則陳于廟皆繖二翰一扇
一百五十有六既事而藏之宋尚輦局有典御奉御等
官掌輿輦之事遼南面官殿中司有尚輦局奉御金尚
輦局有使副使等官掌承奉輿輦等事有直長職專典
輿屬殿前都點檢司元侍正府有尚飾兼尚輦奉御二
人副奉御二人明輿輦之事掌于錦衣衛



欽定續通典卷三十